



建炎以來朝野雜記甲集二十卷乙集二十卷蜀井研李  
心傳伯微撰編首者國史院劄子行下隆州宣取高宗繫  
年要錄指揮孝宗光宗兩朝繫年要錄指揮公牒三通心  
傳日序二通七書於宋南渡後朝章國故大綱細目繁然  
悉備史家之巨擘也

右錄王通詳致於繫年集孔廣斌記

建炎以來朝野雜記四十卷宋布衣李心傳伯微著有  
自序上自帝系帝德朝政國典下及見聞瑣碎皆錄之  
野史之最良者竊歎南渡君臣偏安游逸心傳能留心  
世故悉著于篇有心哉其不忘君父之讐乎惟是第七  
卷目錄下一行云此卷與後十一卷舊鈔已載言宋板  
原缺但廢作者之心姑錄其目以備叅攷第十一卷目  
錄下一行云宋板原缺今查二卷俱全蓋從他本補鈔  
者文獻通攷題甲乙二集共四十卷其自序云類載凡  
六百五事驗之相符當是足本心傳號秀岩隆州井研  
人趙氏附志作字微之疑悞錢塘吳城誌



之得失者分門著錄起丁未迄壬戌以類相從凡六百  
有五事勒為二十卷或謂心傳曰子之是書同學者之  
所宜究心也况言人之善而不及其惡記人之功而不  
錄其過是書之行于世也則宜雖然子以論著之餘而  
記聞見之故凡有所取則未及乎取者必以為見遺凡  
有所揚則不足乎揚者必疑其見抑吾惧夫兩端之怨  
詈將不得免子安用此以賈禍也可不慮哉心傳謝曰  
下國山野之人上而名歸才大夫下而岩穴幽栖之士  
其未之識者衆矣遠而朝廷四方久而二萬七千八百  
四十有八旬之事其未聞與未知者亦不少矣事苟有

所畧人苟有所遺蓋孤陋寡聞之罪非敢去取乎其間  
也司子有所得屢書不一書而後已可乎哉既以告人  
遂筆其辭于編首嘉泰二年冬十月晦秀崑野人李心  
傳伯微甫序

司子吳校改荀子鮑  
廷博本云當是嗣子  
之訛 總函原字中  
嗣字抄誤分二字耳乾隆  
丁酉六月廿日早起記

皇朝中興繫年要錄

宣取

高宗皇帝係年要錄指揮

正奉大夫守吏部尚書兼修國史兼寶錄院兼太子詹  
 事曾曠中奉大夫試尚書吏部侍郎兼同修國史兼寶  
 錄院同修撰兼太子右庶子汪遠朝請大夫試太子詹  
 事兼同修國史兼寶錄院同修撰兼秘書監戴溪朝請  
 大夫擢尚書禮部侍郎兼同修國史兼寶錄院同修撰  
 兼太子左諭德兼權中書舍人曾從龍朝散大夫新除  
 軍器監兼國史院編修官兼寶錄院檢討官兼禮部郎

吳云編修下疑脫官字

官黃景說朝奉郎守起居郎兼國史院編修官兼實錄院檢討官兼侍講充賀金國生辰國信使黃中朝請大夫新除起居舍人兼國史院編修官兼實錄院檢討官兼權中書舍人李揆朝請郎尚書吏部員外兼國史院編修官兼實錄院檢討官錢文子奉議郎兼守軍器少監兼國史院編修官兼實錄院檢討官兼國子司業陳武文林郎秘書省正字兼國史院編修官兼實錄院檢討官兼莊文府教授陳貴謙劄子獲等竊見太常博士李道傳之兄心傳哀次高宗皇帝一朝長編已繕寫成淨本未敢自擅投進欵

乞無官本朝廷特賜敷奏令道傳繳進仍乞降付國史院以備參照編修正史伏候指揮嘉定三年九月二十八日奉聖旨依

付

高宗皇帝繫年要錄指揮

朝請郎顯謨閣待制新潼川府路安撫使知瀘州臣許奕狀奏臣竊惟士有懷才抱藝遠莫能自致者方清明

鮑云新下疑脫除字

之世願使之終老無聞焉臣實惜之臣伏見隆州鄉貢  
處士李心傳博通群書尤熟本朝故事嘗謂  
中興以來

明君良臣

豐功盛烈雖已見之

寶錄等書而

南渡之初一時私家記錄往傳聞失實私意亂真垂  
之方來何所考信于是纂輯科條編年紀載專以日曆  
會要為本然后網羅天下放失舊聞可信者取之可削

者缺之可疑者辨之集衆說之長酌繁簡之中久而成

編名曰

建炎以來係年要錄故兵部尚書楊輔前年蒙

命召嘗取其所錄

高宗皇帝一朝凡一百卷繕寫成五十冊欲以進

上會中道改除不果臣頃蒙

恩兼修

玉牒求得此書觀其所列凡例類多暗合綱目詳細詞

義整嚴足以備史官采擇兼心傳志行高潔久弃場屋  
諛免舉不復就非近來上書進策僥覲賞典之比實無

原本而立吳改而列非  
是今仍改立



一毫希望意臣謹昧死繳  
進伏乞  
睿慈  
賜以  
乙夜之覽仍  
宣付史館豈惟心傳半生辛勤專一之功不遂泯沒其  
于  
一朝大典實非小補所有上件  
高宗皇帝繫年要錄五十冊謹隨狀上  
進以

聞干冒

天威臣下情無任震越惶懼之至謹錄奏

聞伏候

敕旨奉議郎太常博士臣李道傳狀奏准尚書省劄子  
吏部尚書兼修國史實錄院修撰曾曠等劄子竊見道  
傳之兄心傳哀次

高宗皇帝一朝長編成繕寫成淨本乞賜

數奏令道傳綴

進仍乞降付國史院以備參照編修正史奉  
聖旨依臣今遵依

聖旨指揮所有上件

高宗皇帝一朝編年之書名繫年要錄計一百卷修寫成五十冊謹隨狀上

進干冒

天威臣下情無任惶懼震越之至謹錄奏

聞伏候

敕旨貼黃臣照得新知瀘州府許奕已曾繳奏上件繫

年要錄伏乞

睿照嘉定五年五月日奉

聖旨降付國史院

朝省坐國史院劄子行下隆州取索

孝宗

光宗繫年要錄指揮

臣竊惟國家典章莫重史冊唐朱敬則初成史藁見者推為董狐然敬則方請別求名才以重史選張說就家修史李元紘謂史事祕嚴請令以書就館參會撰錄然則史職至重名才難逢館閣纂修事存國體以敬則有董狐之稱而猶以求才為請則不逮敬則者盍亦推賢而遜能以張說居通顯之極而元紘必欲其就館纂修則匹士之有志于斯者宜使輸能而來獻臣以諛聞幸

原本作人劇班馬  
吳改作希非是

逢盛時偶被采葑與聞汗簡伏惟  
近旨重修  
孝宗皇帝  
光宗皇帝實錄疊矩重規鉅跡盛美如日月之昭明而  
莫窺其經緯如海岳之涵負而莫究其高深雖  
聖世多才宰司遴選人希班馬家效沈吳其間如臣實  
為濫叨欲效遜能之義少輸報  
上之忠竊見隆州進士李心傳刻志前聞究心史學嘗  
著

高宗繫年要錄見謂該詳繼聞探討

阜陵典章亦有端緒

累朝聞見會粹實多苦心忘疲歷歲滋久若蒙

聖朝兼收博採特下本州取其續成之書以備考訂誠

網羅放失之意或令身自賁帶來獻

闕下俾諸史官參會謨錄恐于

兩朝大典必有補裨用敢僣言冒干

聰聽若心傳農馬之智得畧效于

明時則微臣鶉特之羞亦少逃于譏議干犯

天威臣無任惶懼隕越之至取

進止准批送禮部行下隆州取索李心傳上件

原本作農馬之志  
吳改智

要錄繳申尚書省府

國史院遵奉

聖旨指揮下轉運司鈔錄

孝宗皇帝

光宗皇帝繫年要錄公牒

國史實錄院會牒成都府路轉運司

勤會本院恭奉

聖旨指揮改修

三朝正史

孝宗皇帝

光宗皇帝御集

光宗皇帝寶訓并改修

孝宗皇帝寶錄並合要文武臣僚內侍士

庶之家及僧道等處應被受或收藏

聖語 聖訓 御製 御筆 手詔 注解

經義詩頌題跋雜文等照使內行在從本

院取索鈔錄其林安府及諸州軍歆乞令

諸路轉運司嚴切遍下所管州軍縣鎮等

處免訪如有被受之家借本鈔錄委官點

對無差漏申繳赴院不得因而搔擾仍出

賞募人投獻如稍多者乞從本院保明優  
與推賞今來所修  
正史御集寶訓寶錄事體至重全藉搜  
訪移文于內外官司取索但於合用文字  
參照攢類其所承官司視為文具不即依  
應是致難以辦集候

指揮七月二十八日奉

聖旨並依劄付院當院今訪聞隆州并研  
縣李宗簿宅鄉貢進士李心傳所述續  
孝宗皇帝朝繫年要錄請

貴司移文行下隆州疾速賫繳札差人前  
去李宗簿宅鈔錄委官點對無差漏裝背  
成冊申發赴院以憑參修照用若或續魯  
編類到

光宗皇帝朝繫年要錄一就鈔錄赴院照  
用勿得違滯須至公文者

牒候到請遵從今降  
聖旨指揮疾速移文行下鈔錄前項所要  
文字裝背成冊申發赴院守等參照使用  
幸勿違滯仍先希依應公文回示謹牒

嘉定十六年九月

朝請大夫起居舍人兼國史院編修官兼寶錄院檢討

官吳

中奉大夫行起居郎兼國子司業兼國史編修官寶錄

院檢討官喬

朝請郎試秘書少監兼權直學士院兼國史院編修官

兼寶錄院檢討官徐

朝散大夫守太常少卿兼國史院編修官兼寶錄院檢

討官魏

朝奉大夫權尚書工部侍郎兼國子祭酒兼國史院編

修官兼寶錄院檢討官葛

中大夫權尚書刑部侍郎兼同修國史兼寶錄院同修

撰朱

朝請大夫權尚書兵部侍郎兼侍講兼同修國史兼寶

錄院同修撰杜

中散大夫權尚書吏部侍郎兼權中書舍人兼同修國

史寶錄院同修撰程

大中大夫守尚書禮部侍郎兼中書舍人兼同修國史

兼寶錄院同修撰胡

鮑云中大夫疑有脫

建炎以來朝野雜記甲集目錄  
卷第一  
上德后妃王主宗室附  
高宗誕聖  
孝宗誕聖  
光宗誕聖  
寧宗誕聖  
壽康宮進香  
孝宗諸孫  
慶元育宗子

建炎以來朝野雜記甲集目錄

卷第一

上德后妃王主宗室附

高宗誕聖

孝宗誕聖

光宗誕聖

寧宗誕聖

壽康宮進香

孝宗諸孫

慶元育宗子



高宗恭儉

高宗聖學

孝宗聖孝 二事

孝宗恭儉

昭慈聖獻孟皇后

顯仁常皇后

仁懷朱皇后

憲節邢皇后

憲聖慈烈吳皇后

成穆郭皇后

成恭夏皇后

太皇謝太后

太皇謝太后

慈懿李皇后

恭淑韓皇后

中興奉親之禮

本朝母后宮名

英宗妃嬪

哲宗妃嬪

德壽妃嬪

重華妃嬪



壽康妃嬪

元懿太子

秀安僖王

崇憲靖王

崇憲靖王

莊文太子

魏惠憲王

邵悼肅王

亮冲惠王

郊冲温王

郢冲美王

豫國公挺

吳興郡王柄

信王璩

秦魯國賢穆明懿大長公主

秦國康懿大長公主

和國長公主

隋國公主

嘉國公主 光宗三公主

郡縣主

偽親王公主

本朝宗室侍從

宗室狀元宏詞童子舉

三祖下宗室數

保州宗室

宗女奩具

宗室賜予

太宗正司兩外宗廢置

卷第二

郊廟 官省祠觀陵寢附

南北郊明堂

郊正明堂之費

當喪罷祭廟

太祖正東嚮之位

九廟七廟之制

太廟景靈宮天章閣欽先殿諸陵上宮祀式

光堯廟號議

高宗 孝宗配饗功臣

中興典祀

渡江後郊廟官省

今園正 青城齋宮

京太廟

今太廟

景靈東西宮

今景靈宮

今天內 慈壽宮 太學 三省 臨安府

秘書省

玉津園

睦親宅 莊文惠憲府 嘉王府

內中神御殿

萬壽觀

太一宮

佑聖觀

寧壽觀

延祥觀

顯應觀

祚德廟

郡國祖宗神御

昭慈永佑殯宮議

殯宮五使

昭慈永佑顯仁永思永阜永崇六殯宮

山陵非宰相護送

成恭成穆慈懿恭淑四殯宮

元懿太子殯所

莊文太子園

秀安僖王園 濮王秀王祠堂

永佑永獻喪制

卷第三

典禮

尊號

年號

總論南巡後禮樂

恭謝

大朝會

親耕

視學 幸秘閣

大閱

燕射

北戎禮物

北使禮節

奉使出疆賞賚

崇義公

衍聖公

群臣家廟 神版祭器

列祀拜朔表

龍門賜雨具

百官肩輿蓋

教坊

卷第四

制作

八寶

三省樞密院印

虎符

缺

入宮殿諸門號

禮神十二王

景鐘

飲福金爵

五輅

七寶輦

渾天儀

紀元統元會元曆

統天曆

神宗 哲宗新寶錄

徽宗 欽宗 高宗 孝宗 光宗寶錄

四朝正史

紹興 乾道 淳熙 慶元敕令格式

淳熙事類

紹興 淳熙 慶元寬恤詔令

兩朝聖政錄

中興禮書

續資治通鑑長編 九朝通畧 東都事畧

中興館閣書目

監本書籍

卷第五

朝事一 建炎至淳熙

高宗即位冊文

中興定都本末

褒錄元祐黨籍

籍記崇觀姦邪

臨軒疎決

泰政分治省事

修政局

經界法

籍記監司郡守

隆興臺諫

隆興和戰

孝宗革冗官

上書補官

乾道郊賜

孝宗摠挾名實

淳熙慶壽禮

大理獄非得旨不許送理官宅

福建經界

軍中承代敦減

淳熙減否郡守

經筵轉官裁省

役法總要

卷第六

朝事二

紹興至嘉泰

道學興廢

學黨五十九人姓名

御筆禁言舊事

慶元罷臧否

慶元臧否縣令

紹熙許薦士嘉泰罷泛舉

執政子孫任祠官

姚次韓論奏讞

裕民五事

慶元緊要政目五十事

何自然論薦舉

監司郡守至官交割庫金

郡守銓量

嘉泰減奏薦

建炎至嘉泰申嚴賊吏之禁

近歲堂部用闕

嘉泰禁私吏

卷第七

此卷與後十一卷字板元缺據別本抄載

時事

張魏公誅范瓊

處州義役德興義役

卷第八

雜事

鮑云以下編次目錄  
與書不同以朱筆  
記于行間

卷目作政事



宇文肅愍死事

何文績建元帥議

朝士投匭免知在

大臣奪情服縵

趙元鎮用伊川門人

鄭亨仲却併掌利權

節度使以軍禮見宣撫

虞并甫長者

陳魯公鎮物

張魏公薦士

趙溫叔使北

韓子師折虜使

蘓文忠贈官

保任京官連坐

張敬夫遺表

王瞻叔與王時亨爭禮

魏守越境省親

奉祀汾陰寶

陳子長築紹熙堰

卷第九  
故事

潛藩州建軍府名

百官轉對

大臣賜書閣名

宰臣生拜太師

親王生拜太師

建隆至嘉泰宰相數

中興宰相久任者

宰相位公孤封國

中興宰相封國數

一國封兩公

宰相追封王爵

中興諸將封王數

中興外戚封王數

高宗朝參政最多

小兩制除執政

中興左揆數

本朝宰執父在恩數

國朝父子祖孫兄弟宰執數

渡江後父子兄弟建節數 三世五世

本朝未三十知制誥未四十拜相者

中興學士秉政者

渡江後學士再入三人者

國朝學士久任再入三人者 二事

父子兄弟入院數

西閣久次

非進士除內外制臺諫經筵史館事始

中興講讀官節料

制科宰執數

詞科宰執數

狀元大拜數

父子祖孫兄弟狀元父子兄弟賢良

狀元舉制科

狀元年三十以下數

狀元十年執政五年持橐人數

狀元三年執政者二年持橐者

狀元特任子

近臣舉御史

南班宗室及堂後官臺參事始

舍人引嫌不草制

舍人草內制

檢正讀錄黃

密白

給舍不許到銜奏事臺參事

禮官學士爭詔紙

官告式

前後官許服紅帶

紫衫

國卹服涼衫紫衫

渡江後賜墓碑額

大臣謚之極美者

定謚不許更易

渡江後改謚

卷第八

官制一 中朝官

丞相 摠論建隆至乾道相名更易

御營使 御營宿衛使

都督軍馬同都督

都督行府

督視軍馬

制國用使 同知國用事

參知政事

樞密使

知樞密院事

樞密副使

簽書樞密院事

同簽書樞密院事

陞朝官除簽樞

樞密參用文武

張說本末

外戚典樞密

樞密院屬官

三省樞密院賞功司

拾遺補闕

直學士院

權直學士院  
學士權直院

行宮直院  
翰林權直

庶官兼侍講

翰林講讀學士

史館專官 陸務觀本末

提舉秘書省

提舉太史局

六院官

環衛官

參知政事

樞密使

口區完事

割解之奉務于三局日交下或先交者皆  
美事亦不為幸者亦有限宜之功得於也  
若乃生之

同簽書樞密院事

陞朝官除簽樞

樞密參用文武

張說本末

外戚典樞密

樞密院屬官

三省樞密院賞功司

拾遺補闕

直學士院

權直學士院  
學士權直院

行宮直院  
翰林權直

庶官兼侍講

翰林講讀學士

史館專官 陸務觀本末

提舉秘書省

提舉太史局

六院官

環衛官

內侍兩省

閣門

卷第九

官制二 外路官

宣撫使

宣撫處置使

宣撫副使

宣撫判官

官撫使官屬

招討使

招撫使

招撫處置使

招撫處置使

制置大使

制置使

宣諭制置使

宣諭使

撫諭使

鎮撫使

發運使

經制使

都轉運使

提領諸路財賦

館職為提領

提點鑄錢

武臣提刑

提舉常平鹽茶

安撫使

馬步軍都提管

兵馬都鈐轄

諸軍都統制

副都統制

統制統領官

卷第十二

官制三

封爵官職功勳吏額

皇子除官例

親王贈官例

宗室兩鎮節度使

知大宗正事

宗室奉使

宗室知舉及任學官



三公備官

太師並除

文臣節度使

外戚節度使

舊恩節度使

官官節度使

兩鎮三鎮節度使

兩國公主

兩國夫人

恩舊節度使

宦官節度使

郡公不著開國字

執政為閣學士

庶官除次對

外官除次對

寄祿官分左右

中散大夫七樣錦

減年對實歷磨勘

選人改官額

奏舉京官

減舉吏員

館學改官例

改官須入

廣南攝官

宮觀使祠官供給

功號

檢校官員

勲官

天聖至嘉泰四選人數

堂後官

省部樞密使吏額

州縣吏額

卷第十一

此卷宋本元缺

取士選舉學校鄉飲酒

制科

乾道制科息數

李仲信本末

制六科題

淳熙再試制科本末

博學宏詞科

試格息例附

三歲取士

四科

類省試

國子監解試

南省試別試殿試

諸路解試

四川類省試官

宗室差試官

燈挾之禁

諸路同日解試

避親牒試

潛藩恩試

初出官人詮試

試教官

試刑法

新科刑法

覆試權要子弟

鎖廳人不為狀元

新進士期集

國朝三元

制策入三等

新進士廷射

廷試賜燭

殿試詳定官別立等

諒陰罷廷試

四川數省試榜首恩數隆殺

宗室鎖試遷官

武舉換文

童子舉 三朝推恩人數

祕書省讀書

童子賜出身

祕書省讀書

特奏名試

太學養士數

國子監試法

武學

釋褐狀元恩例

太學補試

蜀學

宗學

釋奠宗子侍祠

文宣王鎮圭

鄉飲酒

卷第十二

財賦 天下財賦提目折帛鹽榷茶酒

國初至紹熙天下歲收數

景祐慶歷紹興鹽酒稅絹數

兩浙歲入數

東南折帛錢

兩川畸零絹估錢

四川上供細絹綾錦綺

兩川激賞絹

兩川綿估錢

兩川布估錢

廣西折布錢

摠論國朝鹽茨

淮浙鹽

廣鹽

福建鹽

蜀鹽

蜀中官鹽

解鹽

礬 白礬 青胆 黃礬

摠論東南茶法

江茶

建茶

蜀茶

夔州茶

東南酒課

四川酒課

夔路酒

卷第十三

財賦二 常平義倉

常平苗役之制

省戶長催錢

長催錢

義倉

經制錢

提制錢

經提制錢額 廣西經提制銀

四川經提制錢

田契錢

王瞻叔括契本末

稱提錢

月椿錢

版帳錢

折估錢

免行錢

趨引錢

身丁錢

僧道士免丁錢

田四廂錢

市舶司本息

祠部度牒

東南軍儲數

四川軍糧數

關上積糧數

行在諸軍馬草

關上諸軍馬料

都下馬料

淮浙江東沙田蘆蕩本末

卷第十六

財賦三田幣

官田

省庄田

屯田

營田

關外營田

圩田

圭田

僧寺常住田

金銀坑冶

銅鐵錫鉛坑冶

東南諸路鑄錢增損興廢本末

淮上鐵錢

鑄錢諸監 紹興慶元權銅

川陝鑄錢

淮上鐵錢 東南會子

湖北會子

兩淮會子

四川錢引 錢引兌監界

關外會子 鐵錢會子

卷第十七

財賦四

國初至紹熙中都吏祿兵廩

渡江後郊賞數

三司戶部沿革

左藏庫會計錄

左藏南庫

左庫封樁庫

內藏庫 激賞庫

御前甲庫

三省樞密院激賞庫

合司憑由司

修內司



國用司

權貨務都茶場

豐儲倉 外路積糧

淮西東湖廣總領所

四川總領所 二事

諸川軍資庫

公使庫

建炎紹興戶口數

四川元豐紹興淳熙戶口數

本朝視漢唐戶多丁少之弊

卷第十八

兵馬

三衙廢復

八字軍

御前諸軍

御營五軍三護軍

三衙叛軍本末

紹興內外大軍數

乾道內外大軍數

閩外軍馬錢糧數

四川廂禁民兵數 成都飛山軍威強將兵

利路義士忠義人

興元良家子忠義效用中軍敢勇

荆鄂義勇民兵京西湖北義勇義士

淮南萬弩手山水寨民兵

湖北土丁刀弩手

黎雅土丁嘉定威茂土丁

龍州寨子弓箭手

湖南鄉社

廣右土丁廣東保伍

夔路義軍施黔敢勇義兵

瀘南夷義軍沿邊勝兵

福建保伍

殿前司左翼軍

殿前司推鋒軍

湖南飛虎軍

京西湖北神勁軍淮東強勇軍

成都義勇軍雄邊軍

平江許浦水軍江陰左翼推鋒延祥江上水軍

神勁神武忠勇忠銳忠武軍

赤心忠毅忠順強勇義勝軍

諸軍効用

秦川買馬歲收茶帛數

廣馬

淮馬

三衙松江諸軍取馬數

綱馬水陸路

廣中鹽易馬

孳生監牧

御前軍器所器中物料所書斤重價值等附

四川作院

舟師戰車

卷第十九

邊防一

靖康建炎紹興大臣和戰守避說

十三處功

建炎三大戰

富平之役二事

兀朮犯江浙

吳玠和尚原之勝仙人關之勝

岳飛襄陽之勝

紹興失河南

韓世忠大儀之勝揚存忠藕塘之勝

卷第二

邊防二

虜亮叛盟

虞丞相采石之勝

李寶膠西之勝

劉錡皂角林之勝

高宗建康東歸

癸未甲申和戰本末

權場

建炎以來朝野雜記甲集目錄

東坡先生詩集卷之四

乾隆丙申正月廿六日校下板

秀岩李氏所著

建炎以來朝野雜記乃

三朝繫年要錄之張本也

高廟一朝成書既久已為

金匱石室之藏

阜陵

崇陵之書述續有緒行上送

宮學士大夫恨未之見也雜記甲乙凡二集總四十卷

其間

中天百年豐功盛烈與夫禮樂刑政之條目典章制度

之沿革兵戎食貨之源流莫不咸在  
三朝要錄之綱要實備于此

宣取指揮

史院文牒具著于右使引用者知是書之所載皆已經  
進之事實不復致疑焉

是書蜀都

辛氏刊行已久今依元本摹刻以  
廣其傳但其間有事涉忌諱者不敢不隱幸鑒

建炎以來朝野雜記甲集卷第一

上德

后妃王主宗室附

高宗誕聖

高宗受命中興全功至德聖神武文昭仁憲孝皇帝諱

構字德基徽宗第九子母曰韋太后大觀二年五

月二十夜生于宮中

以其日為天中節

八月封蜀國公二年正

月進廣平郡王宣和三年十二月封康王靖康元年十

一月被旨使河北金人軍前議和閏月至相州除河北

兵馬大元帥二年五月朔即皇帝位于南京改元建炎

七月幸揚州三年二月渡江幸杭州四月進幸江寧八

以恩陵錄正之當作十月日  
細日三月癸丑再周必大恩  
陵錄正三月與疑

月復幸臨安十一月自明州幸海四年正月幸溫州四  
月進幸越州紹興二年正月又幸臨安四年十月又進  
幸平江五年二月還臨安六年九月又幸平江七年四  
月進幸建康八年三月復還臨安在位三十六年建炎  
興三遜位二十五年淳熙十四年十月十八日崩于德  
十二壽宮壽八十一十五年二月權殯永思陵初年二十一  
遜位五十六

### 孝宗誕聖

孝宗紹統同道冠德昭功哲文神武明聖成孝皇帝諱  
昀字元永高宗第二子建炎元年十月二十二日生  
于嘉興府以其日為初名伯琮紹興二年五月鞠于宮

中三年二月除貴州防禦使賜名瑗五年六月封建國  
公十二年正月進封普安郡王三十年二月立為皇子  
封建王更名瑋四月賜字元瓌三十一年十二月扈從  
幸建康三十二年二月還臨安五月立為皇太子更今  
諱六月十一日受內禪即皇帝位在位二十七年隆興  
道九淳熙五年六月九日崩于重華宮壽  
熙十六六十八權殯永阜陵初年三十六  
遜位六十二

### 光宗誕聖

光宗憲仁聖哲慈孝皇帝諱惇孝宗第三子母曰  
郭皇后紹興十七年九月四日生于藩邸以其日為二

十年二月授右監門衛率府副率三十年五月轉榮州刺史三十二年九月封恭王乾道七年二月立為皇太子四月領臨安尹九年四月解尹事淳熙十四年十一月參決機務十五年正月赴議事堂與宰執議事又詔每遇朝殿令侍立十六年二月二日受內禪即皇帝位在位五年紹熙遜位六年慶元六年八月八日崩于壽康宮壽五十四其年十二月權殯永崇陵初年四十三遜位四十八

### 寧宗誕聖

寧宗皇帝名擴光宗第二子母曰李皇后乾道四年十月二十日生于恭王府以其日為瑞慶節五年十一月除

青吳校本亦三月

右千牛衛大將軍淳熙五年十月封英國公十二年三月進平陽郡王十六年五月封嘉王紹熙五年七月五日奉太皇太后聖旨就重華宮即皇帝位初年二十壽康宮進香

上始受禪趙子直議以祕書省為泰安宮已而不果乃以慈懿皇后外第為之會光宗不欲遷因以舊福寧殿為壽康宮而更建福寧殿上之在重華執喪也五日一朝于壽康時光宗聖體未平猶不得見慶元四年八月丙戌詔恭聞上皇聖躬悉已清復將率群臣詣宮上壽既而不克行五年八月丙戌以重明節前



十日。上初詣壽康宮進香。詔書降諸道流服以下囚。釋杖以下京官。大父母年八十。選人小使臣。大父母父母年九十。庶人百歲。並與官封。致仕官員。即年八十。賜服三品。餘官七十。服緋綠。及十年。並改賜。民有大父母父母年九十以上。免身丁錢。諸道贓賞錢。悉蠲之。加賜行在諸軍。如雪寒錢例。宰輔皆進官一等。特進右丞相。祁國公。京鏜為少保。封鄭國公。少傅。保寧軍節度使。萬壽觀使。韓侂胄為少師。封平原郡王。太皇太后弟。保順軍節度使。提舉祐神觀。謝淵為太尉。太上皇后姪。昭信軍承宣使。知閤門事。李友孝。保信軍承宣使。知

元本李友統是校改  
孝統

閤門事。李孝純。並除節度使。入內內侍省押班。甘昺。以兩宮宣力。脩竭忠勤。特遷二官。其餘次第行賞。

### 孝宗諸孫

孝宗皇帝五孫。莊文太子下曰。豫國公。挺。魏惠憲王下曰。左千牛衛大將軍。攄。次吳興郡王。柄。光宗皇帝下曰。保寧節度使。挺。次挺。攄。挺皆早卒。寧宗四子。其長者紹熙四年春。生于嘉邸時。光宗已屬疾。而子亦早夭。故不及名。既受禪。恭淑皇后生充冲惠王。竣。郊冲僖王。坦。揚貴妃生郢冲美王。增。皆不育。吳興一子曰。楚州團練使。垓。生三歲而夭。慶元五年四月。追賜名。贈官云。

挺与豫國公同名恐誤

慶元有宗子

上既失充王戊午歲用高宗故事取燕王宮希字行之子與原鞠之宮中已而連失邠郢二王庚申冬遂以為觀察使賜名曦云

高宗恭儉

高宗在維揚時每退朝即御殿旁一小閣垂簾獨坐前設一素木桌子上置筆硯蓋閱四方奏章于此閣內惟二小璫侍側凡巨璫若內夫人奏事上出閣外視之御膳惟麵飯煎肉炊飯而已鎮江守錢伯言欲獻宣和所留器用其間有螺鈿椅桌上惡其靡亟命于通衢

毀之上晚年大劉妃有寵恃恩驕侈盛夏以水晶飾足踏之上偶見之即命取其一以為御枕妃懼撤去自是六宮無復踰制者矣

高宗聖學

紹興末上嘗作損齋屏去玩好置經史古書其中以為燕坐之所上早年謂輔臣曰朕居宮中自有日課早閱章疏午後讀春秋史記夜讀尚書率以二鼓罷尤好左氏春秋每二十四日而讀一過胡康侯進春秋解上置之坐側甚愛重之又悉書六經刻石置首善閣下及作損齋上亦老矣因自為之記刻石以賜近

臣焉

孝宗聖孝二事

辛巳歲上視師建康建王寶從每早晚二頓必具上起居飲食狀及群臣進對中外關奏之事以達中宮逮還都降慈出示其書盈篋上見之大喜

孝宗天資純孝初受禪高宗駕之德壽宮上步出

祥曦殿門掖輦以行及宮門乃止翊日過宮屬天新雨

泥淖被路上皇命邀乘輿至殿門上亟駐輦門外

趨立庭下上皇嘉歎久之曰每見吾兒則喜不自勝

隆興初上以兵連不解未克盡兩宮之奉乾道元年

二月朔始從兩宮謁四聖觀上親扶上皇上馬都

人驩呼以為所未嘗見此可謂以天下養矣

孝宗恭儉

淳熙中上作翠寒堂于禁中以日本國松木為之不

施丹雘其白如象齒嘗召趙丞相雄王樞使淮奏事堂

下古松數十清風徐來上曰松殼甚清遠勝絲竹子

瞻以風月為無盡藏信哉上雅敬蘓文忠居常上又

指殿東橋曰此去禁園無數十步朕遇花時亦未嘗

來往其間遣人折數枝來觀爾苑中臺殿皆大上時

所為朕居常以竹沓覆設太上來則撤之太上

至宮徘徊周覽每興依然之歎頗訝其不雅飾也太上  
恭儉勤政如此

昭慈聖獻孟皇后

昭慈聖獻孟皇后其先汝州人眉州防禦使元之孫也

哲宗在位宣位聖烈皇后以六禮聘之宣仁崩后

廢哲宗崩欽聖憲肅皇后共政復為元祐皇后還

居禁中欽聖崩又廢靖康二年冬欽宗議尊為元

祐皇太后時城已破命未及宣張邦昌僭立冊為宋

太后自外第入居西宮邦昌將還政先復后為元祐

皇后垂簾聽政高宗即位加號隆祐太后先往杭州

建炎三年苗傅劉正彥肆逆后垂簾聽政賊平始正

尊號曰皇太后上事太后如事母居同宮其秋

上將東巡命執政滕康權知三省樞密院事奉后往

洪州太廟神主天章閣神御偕行非軍旅銀糧除拜皆

于簾前閱決舟過落星寺六宮及後軍舟飄覆者數十

惟太后舟無虞其冬虜犯洪州后幸虔州避寇衛

兵皆潰虜追不及而還四年上駐蹕會稽遣資政殿

學士盧益奉后還明年四月崩于行宮之西殿年五

十九初謚昭慈獻烈已而改今謚云后兄子忠厚字

仁仲靖康初以承議郎知海州建炎初遷顯謨閣直學

士明受徹簾除鎮漢軍節度使。后大祥拜使相封信  
安郡王累官少師判紹興平江建康府紹興十一年嘗  
為樞密使二十七年提舉祕書省院

顯仁韋皇后

顯仁韋皇后開封人。高宗母也。初入宮為侍御崇寧  
未封平昌郡君。大觀初進婕妤。宣和末累遷婉容。上  
出使進封龍德宮賢妃。建炎元年遷尊為宣和皇后。  
顯肅崩問至上尊號曰皇太后。紹興九年。后有歸耗。  
上命有司豫作慈寧殿于禁中。遙上冊寶。十二年七月  
后自東平登舟。九月。上逆于臨平。普安郡王從上。

見后悲泣。后聰明有遠慮。每謂上給使者不必  
分宜通用之。蓋分別自為彼我。其間佞人希旨必肆間  
言。自古兩宮失懽。未有不由此者。后季弟淵性暴橫  
不循法度。高宗以其不可近。民恐居官有過難以行  
法。終不予官。積十有餘年。聞后将入境。乃封平樂郡  
王。令逆于境上。其後。后朝景靈宮。淵見。后出言詆  
毀。坐削官安置袁州。已而追還之。十九年。后年七十  
正月朔。上即宮中行慶壽禮。凡親屬皆遷官。二十九  
年。上復行慶壽禮于慈寧殿。詔庶人年九十。宗子女  
若貢士以上。父母年八十者。悉官封之。宰相沈誼率百

僚請文德殿稱賀國朝慶典自此始九月后崩年八十  
權殯永佑陵神主祔太廟韋氏至節度使者凡三人  
后姪孫璞妹為魏惠憲王夫人紹熙初璞以司農卿除  
煥章閣待制論者以為不然遂換明州觀察使

### 仁懷朱皇后

仁懷朱皇后開封人武泰軍節度使伯材女欽宗元  
妃也政和末徽宗臨軒脩禮冊為皇子妃宣和七年  
十二月立為皇后追封伯材恩平郡王后既北遷遂  
不知崩問慶元三年憲聖慈烈皇后崩朝論以  
于憲聖妯娌也明年乃還上尊謚曰仁懷以九月

二十五日為大忌五年十二月遂奉仁懷憲聖二

后神御奉安于景靈宮焉其族人今猶存

### 憲節邢皇后

憲節邢皇后祥符人世后右職后嘉恭簡公煥女也高  
宗在康邸宣和四年四月納之封嘉國夫人靖康中  
高宗使幹裔不于河上后留居蕃衍宅逮虜退后  
從兩宮北遷建炎初還冊為皇后擢煥徽猷閣待制右諫  
議大夫衛膚敏殿中侍御史張浚言祖宗之法后族  
戚里不得任文資恐撓法而干政上納其言改煥光  
州觀察使著為令紹興二年冬煥疾病上念之始拜

慶遠軍節度使俄卒于臨安。上將臨奠而近臣有言  
乃止久之追封安王十二年夏北境報。后從。顯仁  
來歸將壓境而以訃聞喪歸陪塋永佑陵淳熙末謚憲  
節。

### 憲聖慈烈吳皇后

憲聖慈烈<sup>吳</sup>皇后京師人也父近以。后貴卒官武翼郎  
後追封吳王。高宗在維揚。后年十四入宮少長封  
新興郡夫人。上自海道還進才人又進婉儀時。刑  
皇后在朔庭後宮惟。后與張婉儀為上列而。后讀  
書萬卷翰墨尤絕人由是寵遇日至紹興十二年春張

氏卒夏拜。后為貴妃秋。顯仁皇后来歸明年遂正  
位宮壺先是。太后數以為言秦檜曰。太后有定命  
陛下奉行可也即率群臣上表于是降制。孝宗時累  
加號曰。壽聖齊明廣慈脩德太上皇后。光宗即位  
后當為太皇太后以。壽皇故廼更號曰。壽聖皇  
太后紹熙四年加號隆慈脩福五年。后年八十。上  
行慶壽之禮其秋。孝宗崩始正尊號云慶元元年加  
崇曰。壽聖降慈脩福光祐太皇太后三年冬十月后  
屬疾丙申赦天下十一月庚子。后崩于慈福宮年八  
十三後四日郊裡禮成宣遺詔。皇帝服齊衰五月上

特出手詔服喪期年。后母儀四世。吳氏王者二人。節度使七人。從子琚字子居。有吏才。嘗為尚書郎部使者。既秉旄。猶為藩帥。他外戚皆莫及云。

### 成穆郭皇后

成穆郭皇后。孝宗正配也。曾祖若節。西京左藏庫副使。祖直。卿奉直大夫。父瑛。以父任。積官右朝散郎。充秘閣修撰。上即位。拜鄂州觀察使。提舉萬壽觀。明年遷昭慶軍承宣使。卒。追封榮王。后母淑國夫人。宗室女也。上為普安郡王時。聘之。封咸寧郡夫人。薨。紹興三十二年五月。追立為皇太子妃。八月。追冊為皇后。以左

僕射陳康伯為禮儀使。初謚恭懷。

孝宗嫌之。改安穆。

及營阜陵。更今謚。

后生四子一女子。莊文太子愔。魏

惠憲王愷。

光宗皇帝。卽悼肅王恪。與嘉國公主俱

蚤薨。

孝宗既受禪。待郭氏恩禮甚隆。然

后弟師禹

師元淳熙中。官不過承宣使。上不私戚里。蓋如此師

元不及建節而卒。上將內禪。師禹始除節度使。慶元

中封廣陵郡王。后薨年三十一。權殯于北山之修吉

寺。

### 成恭夏皇后 太皇謝太后

成恭夏皇后。太皇謝太后。皆孝宗繼配也。上在



潘邠福國郭夫人已薨。吳太后以夏翟二美人賜上寶。后閤御侍也。時恩平亦選賜二人而普安恭儉好書不趨敬色。高宗賢之由是定為嗣。普安既為皇子。明年二月癸亥詔封夏氏為齊安郡夫人。翟氏為咸平郡夫人。上即位以夏氏為賢妃。翟氏為婉容。踰年。上皇手詔冊妃為皇后。而拜婉容為貴妃。乾道三年六月。后崩。年三十一。謚安恭。后既崩。中宮虛位。將十歲。淳熙三年秋。貴妃因侍。上過宮。上皇語上曰。大哥且與了却此一段。上承命而退。八月庚辰。上皇遣大璫張去為至都堂傳旨立。翟貴妃為皇

制詞今載周必大玉堂類  
藁卷二卷推源流亦係  
謝安与此異三字

后。明日午後執政奏事。皇后歸姓謝氏。後五日。召詞臣周必大對選德殿。而草制其詞有曰。早從潘邠之游。蓋稟庭闈之命。又曰。因乳保而依方進。雖嘗從舊譜于汝南。推源派而紀謝安。盍遂復華宗于江左。皇后性恭儉。既受冊。內膳日進一羊。力丐免。及初供膳。不敢先嘗。復以進御故事。當得兵船。亦固辭。服澣濯之衣。有數年不易者。上嘗以諭輔臣。且曰。本朝后妃却是多賢。朕之修身齊家。誠若無愧所少者。功業未成耳。十六年。上禪位。上尊號曰壽成。孝宗崩。稱皇太后。慶元初。加號慈惠。六年秋。稱太皇太后。夏執中者。恭

安后弟也。曾祖令吉為吉水簿。因家江西。其父協客于  
袁之某寺。生一子一女。少聰慧。大闡張去為所因納。  
諸宮中。其後將正宮闈。始命袁州訪夏翁所在。而翁亡  
矣。有旨即瘞所為園寺。且訪其弟執中以聞。

慈懿李皇后

慈懿李皇后安陽人。父道為湖北帥。有相師皇甫坦者。  
至其第。道命諸女拜之。其中女慈懿后也。皇甫見之。  
驚曰。此天下人母。我奈何受其拜。邪。人皆以為狂道心。  
獨喜。孝宗聞坦語。即為恭王聘之。時莊文太子妃妹  
錢氏同遜入宮中。外皆心擬錢氏。而后定。選隆興二年

二月封榮國夫人。郊禮成。進封定國。乾道七年三月降  
制。立為皇太子妃。淳熙十六年二月立為皇后。紹熙五  
年七月稱太上皇后。明年九月加號壽仁。慶元六年  
六月崩于壽康宮。年五十六。

恭淑韓皇后

恭淑韓皇后其先相州人。司徒兼侍中魏忠獻王琦六  
世孫也。右諫議大夫省華生忠獻。忠獻生尚書左僕射  
魏文定公忠彥。忠彥生司農少卿治。治生資政殿學士  
簽書樞密院事吳元穆。王肖胄。肖胄生益。王協。協生太  
尉寧遠軍節度使同卿。同卿生后。實第二女也。淳熙

十三年 孝宗為平陽郡王擇婦 后與其姊偕送入  
宮而 后當兩宮意八月歸于邸第封新安郡夫人十  
六年三月封崇國夫人 上受禪立為皇后慶元二年  
十月行冊禮六年十一月崩年三十六明年葬于 慈  
懿皇后殯宮之東廣教寺先一年同卿已卒擢其子  
為承宣使謚同卿曰恭靖王 后曾季祖侂冑官至太  
傅封平原郡王最貴顯

中興奉親之禮

昭慈聖獻皇后之在建康也有司月奉千緡而止 后  
生辰別奉緡錢萬時朝廷用度不給故其禮不及承平

吳校冬結五十四

時其後 顯仁后自北來歸歲奉錢二十萬緡月奉萬  
緡冬年

寒食生帛二萬餘匹生辰絹萬匹春冬端  
午冬綿三千

辰倍之各三千匹綾羅二千足 兩酒日一斗羊三牽 高宗在德壽宮 孝宗命有司

月供十萬緡 高宗以養兵多費詔減其六萬及 孝  
宗在重華命月進三萬緡而已 上受禪詔 太皇太

后月奉緡錢二萬 皇太后萬五千 上皇太后五萬

而重華宮別給二萬焉

本朝母后官名

本朝母后官名萬安明德李后保慶章惠楊后慶壽憲曹后崇慶  
宣仁欽聖憲慈德肅向后聖瑞朱后隆祐憲孟后崇恩昭懷  
烈高后

寧德顯肅慈寧顯仁慈福憲聖壽慈壽成慈謝惠

英宗妃嬪

張修容 英宗後宮也 蓋 溫成皇后從妹父堯佐宣

徽南院使淮康寧節度使修容名位本微 哲宗即位

自昌平郡君進封夫人 徽宗立又進婕妤至大觀初

以八寶恩始進今秩建炎四年從衛 隆祐皇太后卒

于慶州年七十八

哲宗妃嬪

慕容貴妃魏修容 哲宗後宮也 初並為御侍崇寧元

年春慕容氏始封才人魏氏封昌平郡君大觀元年夏

魏氏亦封才人二年春並進封美人靖康之難六宮皆

北去惟 先朝嬪御得免乃建承慶院以處之紹興三

年夏以 昭慈聖憲皇后大祥推恩並進婕妤祿賜如

式久之慕容氏進婉儀魏氏進修容十三年冬修容卒婉

儀少在宮中與 顯仁皇太后相厚及 太后歸就慈

寧之養十四年冬 上諭執政特拜婉儀為賢妃制曰

藻鑑精明獨前知于聖母蘭心芳潔今娛侍于東朝二

十二年薨年八十贈貴妃

德壽妃嬪

潘賢妃張賢妃劉貴妃張貴妃 高宗後宮也潘氏家

吳收進封才人

東都 上在康邸納之生元懿太子及即位將冊為后  
右丞相呂好問諫以為不可乃以為賢妃擢其叔父永  
思為帶御器械太子薨妃侍 隆祐后居江西紹興十  
八年薨張氏亦家東都建炎中為才人紹興十年累遷  
婉儀十二年卒贈賢妃劉氏臨安人父懋以恩至昭慶  
軍節度使妃紹興十年入宮為紅霞帔十六年封才人  
轉婕妤婉容二十四年春拜貴妃時有小劉氏者以紹  
興十七年入宮轉宜春郡夫人二十三年封才人二十  
八年冬進婕妤妃與婕妤皆有寵宮中號妃為大劉娘  
子婕妤為小劉娘子三十一年秋婉儀坐事放歸其家

自便官告令有司毀抹淳熙十四年秋妃薨張氏其先  
祥符人與宗室忠州防禦使伯驩有連初封永嘉郡夫  
人乾道六年封婉容淳熙七年追封 太上皇帝淑妃  
十六年進貴妃紹興元年薨紹興中又有馮美人韓吳  
二才人皆寵幸後皆廢吳氏名玉奴中宮近屬也三十  
二年夏復故封淳熙末又有李王二才人俱明豔 高  
宗愛之及上賓 憲聖每見之常感愴 孝宗聞特許  
自便蓋非常制云 德壽宮又有信安趙夫人咸寧蘭夫  
夫人富平孫夫人緡雲蔡夫人南平張夫人新興陳  
安張夫人安定李夫人此十餘人並無品秩  
重華妃嬪

吳校乾道二年

吳校名拜婉容為貴妃  
十二年秋薨

蔡貴妃李賢妃張貴妃陳淑妃 孝宗後宮也蔡氏初  
入宮為紅霞帔乾道三年封和義郡夫人淳熙三年進  
婉容父霽歷帶御器械幹辦皇城司十年秋以篤老拜  
宜州觀察使及拜婉容為貴妃十三年秋薨李氏初入  
宮為典字淳熙三年冬轉通義郡夫人七年冬為婕妤  
九年春生女不育明年秋卒贈賢妃時李壽在 經筵  
因夜直嘗諫 上以後宮寵幸多宮中妄費 上曰朕  
老矣安得此殺近惟葬李妃用三萬緡他無費也張氏  
初為紅霞帔封同安郡夫人進婕妤婉容十四年春拜  
為妃陳氏初封新平郡夫人淳熙十二年冬進美人十

四年冬又進婉容紹熙元年春拜為妃 上在位雖久

後宮無寵幸著聞者乾道中又有宜春韓夫人信安陳夫

夫人南平閔夫人永陽王夫人平原黃夫人紹熙中有

新安梁夫人高平宋夫人信安傅夫人新安吳夫人齋

安韓夫人咸安吳夫人縉雲

朱夫人此十五人無品秩

壽康妃嬪

黃貴妃張貴妃武才人 光宗後宮也淳熙末 上在

東宮旁無姬侍 高宗以和義郡夫人黃氏賜之黃氏

六年十月二十及即位拜為妃紹熙二年冬薨 上在

齋宮聞之始得疑疾自後宗戚大臣以薨卒聞者多不

信矣張氏東宮舊人也初為紅霞帔 上受禪進婉儀

慶元三年秋拜貴妃武氏初封同安郡夫人紹熙五年  
春進才人又有潘夫人符夫人二張夫人並止郡封無  
品秩凡宮中之制郡夫人以上始稱房院

元懿太子

元懿太子名專高宗後宮潘賢妃子也建炎元年六  
月生于南都九月拜集慶軍節度使封國公三年春苗  
傅劉正彥為逆以專為皇帝改元明受上復辟立為  
皇太子其年秋薨于建康初太子得疾未瘳有金香鼎  
置于地宮人悞觸之仆地有聲太子應時驚搐不止上  
命斬宮人于廡下少頃太子薨年三歲

秀安僖王

崇憲靖王

秀安僖王高宗兄行也王名子偁太祖少子秦康

惠王五世孫康惠王生英國公惟憲惟憲生新興侯從

郁從郁生華陰侯世將世將生東頭供奉官令諭令諭

生王第進士為嘉興丞孝宗實王第二子紹興二年

五月既被逐召王赴都堂審察改左宣教郎通判湖州

俄除直祕閣賜五品服建國公就傳遷左朝奉郎充祕

閣修撰知處州既對請奉祠詔給祿如郡守累官左朝

奉大夫十三年秋告老遂歿于秀州有司擬普安所

服十四年正月詔侍從臺諫議之議者謂解官如宗室

南班故事。上曰：始議養宗室子，今子侑死，若不使之持服，則非本朝典故。乃贈王太子少師。普安為皇太子內出詔書，加贈王太師、中書令，追封秀王，謚安僖。妻宜人張氏封王夫人。孝宗既受禪，不敢顧私親。逮光宗繼統，而高廟几筵猶未除，故緩其事。紹熙元年，夏始詔即園立廟，如濮王。仍班諱。王長子伯圭，字禹錫，初以門蔭補官，紹興末以右宣議郎通判明州。上受禪數月，上皇有詔，除集英殿脩撰，知台州，稍遷待制、直學士，歷知明州，積官朝奉大夫、端明殿學士。淳熙初，始行慶壽禮，推恩中外。上皇令換節鉞，遂拜安德軍

節度使。數月，加開府儀同三司。九年秋，遷少保，封滎陽郡王。永思權殞，為總護使。十五年秋，遷少傅。十六年夏，遷少師，始稱皇伯。紹熙元年五月，遷太保，封嗣秀王。二年夏，判大宗正事。三年夏，遷太師，永阜陵成，除中書令，辭不拜。詔有司別議優崇之禮，乃除兩鎮節度使。慶元中，薨，追封崇王，謚憲靖。張夫人，孝宗母也。五世祖者，仁宗朝樞密使兼侍中。孝宗即位，上皇有旨，夫人給內侍中，請給乾道三年三月薨于吳興，訃聞，輟視朝五日。上素衣成服于苑中，稱皇伯母，議者謂高宗褒崇之禮，壽皇謙抑之義，前後兩盡，可謂萬世法矣。



伯圭諸子初皆補京秩歷牧伯部使者紹熙後並換南  
班長師令為使相

莊文太子

莊文太子初名愉紹興十六年用祖宗總麻親例補  
右內率府副率二十一年更名愔二十八年除右監門  
衛大將軍榮州刺史三十年孝宗為皇子四月徵拜  
蘄州防禦使三十二年九月拜少保永興軍節度使封  
鄧王乾道元年八月立為皇太子初太子在藩邸喜作  
詩及升儲而諸王宮教授黃石適面對論東宮不宜以  
詩文為學上大喜除校書郎仍不試石字紀老永嘉  
元年九月八

館十一月遷小三年秋太子得傷暑病醫誤進藥疾遂  
著自此擢用

劇乃急召醫王繼先于福州高宗壽聖皆親至東

宮視疾上憂懼為之赦天下後三日太子薨年二十

四禮部太常寺言故事無皇太子薨禮齊武帝文惠太

子薨有司奏御服期朝臣齊衰三日六宮不從服唐憲

宗惠昭太子薨輟朝三日今做古制皇帝為太子服期

以日易月十三日而除六宮並不從服文武百官服衰

衣一日而除皇太子宮僚服齊衰三月臨七日而除自

舉哀至成服日皇帝不視事比葬上凡再至東宮命

宰臣奉謚冊小大祥皆以執政官行禮焉子槩 楷

魏惠憲王

魏惠憲王愷以紹興十六年補右內率府副率三十年轉右監門衛大將軍四月除貴州團練使三十二年九月拜雄武軍節度使開府儀同三司封慶王乾道七年二月拜雄武保寧軍節度使判寧國府進封魏王淳熙初來朝徙判明州易鎮永興成德七年二月薨于明州年三十五訃聞上泣然曰朕向来越次建儲者正為此子福氣差薄耳然亦不料其如此之夭也詔刑部尚書謝廓然致弔兩浙轉運副使韓彥質致其柩禮部侍郎齊慶曾護塋上服白羅袍素紗持其中發哀于別

吳校持上中

殿王性寬慈高宗尤所鍾愛上雖以宗社大計出王于外然心獨念之齊貴賜不絕焉子柄

邵悼肅王

邵悼肅王恪早薨乾道二年九月追賜名贈淮康軍節度使開度儀同三司

亮冲惠王

亮冲惠王竣上第二子也慶元二年六月生太皇太后詔禮部太常寺國史院討論典禮七月丙戌德音降天下死罪囚釋流以下蠲臨安民元年畸零之稅民有曾大父母者免丁役錢二年戊子流人呂祖儉徐誼

等皆量移內郡戍戍 皇后曾季祖佗胄除使相奉祠  
父同卿寧遠軍節度使母安國夫人在氏封兩國夫人  
兄竦除直秘閣后閣官吏皆進秩二等隨龍人一等礙  
止法者特遷之未幾皇太子得驚風病八月薨其生才  
四十七日追賜名贈太師尚書令葬北山寶林寺

郇冲温王

郇冲温王坦慶元六年正月生二月德音降雜犯死罪  
以下囚釋徒以下諸道贖賞錢悉蠲之加賜三衛沿江  
諸軍如雪寒錢例八月薨追賜名贈官九月葬彌陀興  
福院

郇冲美王

郇冲美王增慶元六年十一月生未幾薨

豫國公挺

豫國公挺以乾道元年六月生甫周晬除福州觀察使  
封榮國公 祖宗以來累朝不見孫 欽宗在東宮得  
子蔡京奏除節度使封崇國公王黼得政以此事傾京  
言其以東宮比人主 徽宗入其言降高州防禦使  
孝宗為皇子莊文自選刺除兵防實用此例至是 上  
受禪未久遂得嫡長孫 高宗聞之諭輔臣率百官稱  
賀既建儲遂封公爵明年太子薨其母弟慶王 恭王

皆奉朝請。上遲回者數歲。既而以王英武類已  
遂立之時。虞雍公允文為相也。初在文既除服。挺與其  
母錢妃出居外第。九年春薨。贈武當軍節度使。追封豫  
國公。紹熙初。上念在文無主祭者。乃以宗子希璿為  
之子。賜名楛。命為右千牛衛大將軍。楛。太祖九世孫  
也。曾祖。祖父皆不仕。祖宗時。昭成太子陳王蔡王  
立。子蓋。特命也。

### 吳興郡王柄

吳興郡王柄。淳熙四年生于明州。始除右千牛衛大將  
軍。魏王薨。還居行在。孝宗將禪位。拜耀州觀察使。封

嘉國公。故事。親王之子。初除小將軍。七遷為節度使。

宣仁垂簾。吳益王諸子例拜大將軍。遙郡刺史。紹聖後

不然。孝宗在位。諸王子初授亦大將軍。而柄再遷。封

國公用優禮也。光宗即位。進永興軍承宣使。封許國

公。久之。又進封吳興郡王。命未出而止。紹熙五年七

月。封徐國公。慶元元年三月。復封王。領招慶軍節度使。

憲聖慈烈皇后復上。遷開府儀同三司。柄早慧。孝

宗愛之。淳熙十二年。始就傅。以館職黃唐倪思為學官。

慶元初。制曰。孝皇憐蚤慧。以鍾愛。太上念特立以

垂慈。故見貴寵。云柄蓋信安郡夫人卜氏所坐。慶元初

特加國號

信王璩

信王璩字潤夫。太祖七世孫也。父子彥王。初名伯政。紹興四年夏。鞠于禁中。憲聖慈烈皇后以為己子。六年正月。賜名。除和州防禦使。九年三月。拜保大軍節度使。封崇國公。聽讀資善堂。以朝臣為贊讀。十五年二月。進封恩平郡王。與普安繼就外第。號東西府。以館職二員。通兼兩王府教授。自宗藩。並建道路。切頗有異言。三十年三月。拜王開府儀同三司。判大宗正事。出居紹興府。人情始定。上命葺茶鹽司為府第。俸賜悉以

上供。經搃錢湖田米給之。孝宗受禪。王入朝。加拜少保。徙節靖江。乾道七年。省紹興府宗正司。改王醴泉觀。使淳熙六年。遷少保。十四年冬。高宗升遐。王入朝。奔喪。日得疾。明年秋薨。年五十九。追封信王子。師淳師灝。師淪。師潞。師淳。才五歲。初命為武翼大夫。榮州刺史。乾道九年。從王入侍祠。遷忠州團練使。進永州防禦使。淳熙七年冬。詔以師淳年及二十。特進二階。除在外宮觀。給真俸。師灝初命亦如之。師淪。師潞初命皆武翼大夫。稍遷。遥刺師灝早卒。紹熙初。詔師淳換南班。進淪。真除刺史。師潞命以通判團練使奉祠。

秦魯國賢穆明懿大長公主

秦魯國賢穆明懿大長公主 仁宗第十女也母曰周  
貴妃嘉祐中封永壽公主 英宗即位進榮國長公主  
神宗朝進 國大長公主 哲宗朝改周國 徽宗朝  
進韓魏國政和三年閏四月更封賢德懿行大長帝姬  
高宗建炎初復為公主改秦魯國降德陽郡王錢景臻  
曾祖曰吳越忠懿王祖曰樞密使英文僖公惟演父曰  
寶文閣直學士暉 二帝北狩主畱居京師建炎二年  
冬朝揚州時兵革未寧主與其家之閩中避狄紹興四  
年夏請朝詔居紹興府移台州七年秋入見 上禮之

宋史云本與神宗朝同

甚厚見必先揖十二年再朝慈寧宮其冬薨于行在年  
八十三 上臨奠故事當舉哀成服時以具慶之朝故  
不行但輟朝五日子忱紹興末終少師瀘州軍節度使  
榮國公庶子恂德慶軍節度使開府儀同三司提舉皇  
城司先忱卒忱子端禮字處和乾道初參知政事終觀  
文殿學士謚惠肅端禮子象祖字同叔慶元末為兵部  
尚書出知建康府今以徽猷閣學士奉祠

秦國康懿大長公主

秦國康懿大長公主 哲宗第三女也降少保昭化軍  
節度使和國公潘正夫封韓國公主政和中改淑慎帝

吳校作日具此三疑有  
脫音

姬建炎初復為和國長公主。紹興中避亂抵婺州。八年夏入朝。上自具衣冠見之。飲食十二年。顯仁後來歸。主迎見于道。十九年再朝。行在遂居之。三十二年孝宗受禪。進封秦國大長公主。隆興二年秋薨。主諸子皆為承宣使。國朝故事。公主始命為武翼郎。遷遙刺。孫宣義郎。曾孫承奉郎。四世孫承務郎。女封郡主。孫女封恭人云。

和國長公主

徽宗第二十女也。母曰懿肅王貴妃。政和三年夏封柔福公主。尋改帝姬。靖康二年春從駕北

狩。紹興十二年太后歸自北方。言帝姬于去年夏死于五國城。年二十九。以其骨歸。十三年追封。

隋國公主

徽宗第三十四女也。靖康初封恭福帝姬。建炎三年薨。追封。

嘉國公主 光宗三公主

嘉國公主。孝宗長女也。孝宗二女次生。五月而夭。不及封。嘉國紹興二十年四月用宗室總麻親任節度使。女例封碩人。三十年封永嘉郡主。明年卒。乾道二年追封。光宗三女長齊安郡主。次文安次和政。皆早亡。

紹熙元年冬追封為公主

郡縣主

自渡江以來未有王姬下嫁者偽福國長公主之適高世榮也奩具凡二十萬緡視承平時已殺高宗無女孝宗二女光宗三女俱早薨紹興十六年和王女樂平縣主當出適時廢事草創乃命太宗正司主婚淳熙十三年魏憲惠王女安康郡主適羅氏上命主執婦道如家人禮賜甲第居之又詔南庫給金五百兩銀三千兩為奩具羅小校子名良臣以恩轉承義郎除閤門祇候後十餘年卒于浙西總管

偽親王公主

靖康末天屬既已北去獨信王榛至河北逃歸馬擴等奉王屯趙州五馬山寨上聞以王為河外兵馬都元

帥建炎二年秋山寨為虜所破王不知存亡建炎四年上在會稽有自虜中逃歸稱柔福帝姬者帝姬道君女莘王植同產也詔宣政使馮益內人吳心兒驗視遂取入宮封福國長公主下降永州防禦使高世榮明年有自稱徐王隸者知蘄州仁壽韓迪聞于朝上遣國子監丞李愿逆之既至審驗則云富順男子李悖也遂坐誅時又有婦人自稱榮德帝姬在東都嘗適曹晟



荆南鎮撫使解潛以聞按驗則婦人易氏也亦杖死于  
是大理評事山陰石邦彥引唐代宗之言告上曰吾  
寧受百欺冀得一真三年春乃詔皇族有脫虜來歸者  
令州縣驗寔以聞許推實顯仁后來歸之歲有入內  
醫官徐中立者言柔福北遷適其子還而死詔福國長  
公主顯屬詐冒下大理雜治大理言稱公主者乃東都  
乾明寺尼李靜善也法當詐假官流二千里冒請俸  
賜計錢四十七萬九千餘緡為詐欺官私以取財物准  
盜論罪止流三千里節次入內起居為闌入至御在所  
者斬以上並誣赦外馮益被旨識認之時靜善與益對

坐謂上為兄係對捍制使而無人臣之禮大不恭十  
惡罪至死不赦詔決重杖處死益至獄不承訊問乃伏  
法寺言益赦後制勘虛妄當罰金情重奏裁詔除名昭  
州編管未行復釋之世榮積官常德軍承宣使奉祠至  
是改正追奪後以父任復為班行乾道中特除閣門祇  
候江西兵馬都監云

### 本朝宗室侍從

本朝宗室侍從自宣和至嘉泰凡十九人太祖下令

錄寶文閣令詔侍郎子崧端明殿子畫子直子標並寶文閣  
待制侍郎子崧端明殿子畫子直子標並寶文閣  
直學子瀟子厚侍郎部伯圭端明殿師訓工部師數  
士

閣待師戶部侍郎太宗下不棄不流善堅並工部侍郎不迹  
制華文閣魏王下彥中中書舍人彥操煥章閣待制彥逾工部尚書

宗室狀元宏詞童子舉

宗室為狀元者乾道初汝愚中宏詞科者淳熙初彥中

中童子舉者慶元中崇禎三年六月己卯崇禎亦能誦

六經免文解云

三祖下宗室數

宗正寺仙源類譜 太祖下德字行四人惟字行八人

從字守字行二十四人世字行一百二十九人令字行

五百六十四人子字行一千二百五十一人伯字行一

子字行一千一百五十一人吳  
校二說云以德計之合

千六百四十五人孝宗同師字行一千四百九十人希

字行一千一百四十人與字行一百十人凡六千三百

六十五人孟字行由字行未見數 太宗下元字行九

人允字行十九人宗字行七十五人英宗同仲字行三

百八十八人士字行一千四百九十九人不字行二千

一百三十人善字行二千四百三十一人汝字行一千

二十二入崇字行四百一十三人必字行一十九人凡

八千有五人良字行友字行未見數 魏悼王下德字

行十八承字行三十二人克字行一百二十七人叔字

行五百六十一人之字行一千四百二十五人公字行

吳校世字行一千二百六十八  
德核之非

一千七百七十四人彥字行一千八百二十四人夫字  
行一千六百六十六人時字行二百五十三人若字行  
二十四人嗣字行未見數其見數者凡七千二百九十  
六人以淳熙八年計之三祖下合二萬一千六百六十  
有六人 英宗子吳王益王下孝字行十三人安字居  
字多字行皆為南班官未見數淳熙初詔多字行之子  
連自字紹熙初詔自字行之子連甫字 徽宗子棣華  
宅諸王下連卿字下連茂字茂字下連中字中字下連  
孫字然棣華子孫自靖康以來皆隔異域但遙為排連  
而已

### 保州宗室

保州宗室者 翼祖皇帝後也建炎初隔絕紹興九年  
渡江者數十人有官者四人而已 上念之認法官如  
兩京例今廣字繼字夫子行者是也

### 宗女奩具

故事宗女適人皆內侍與有司主之熙寧後以昭穆益  
疏乃給奩具祖宗元孫女五百千五世三百五十千六  
世三百千七世二百五十千八世一百五十千紹興七  
年冬詔元孫減五之一六世八世減三之一五世七世  
減七之二已適而再行者各減年半然有司不時給宗女

貧不能行多自稱不願出適者三十二年惠靖襄王子  
子遊知南外宗正事請於朝下泉州以經認制司錢分  
給云

宗室賜予

建炎末上以天屬避地者少詔南班宗婦無子孫食  
祿者廩給存差凡祖宗總麻親歲給錢九十六千米  
三十六斛帛二十八匹袒免親錢米減三之一綿帛並  
減半四年六月巳卯故事宗室近臣吉凶皆有賜予紹  
興初以軍興財匱罷之六年正月己巳十一年秋皇叔  
祖右監門衛大將軍仲容卒子臨安至無以斂判大宗

乾四年六月字原未注吳校  
改大字按四年六月巳卯六年  
正月己巳六年俱當來注○建炎  
止於四年故上字建炎末 紹興  
元年凡三十二故六年亦稱紹興  
初

吳校士傷

齊安郡王士褒言于朝詔總麻親任環列以上亡者賜  
錢三百千袒免減三之一九月甲辰今以為例云

太宗正司兩外宗廢置

本朝宗室皆聚于京師熙豐間始許居于外蔡京為政  
因即河南應天置西南二敦宗院設宗官主之靖康之  
禍在京宗室無得免者而睢維二都得全建炎初上  
將南幸先徙諸宗室于江淮于是太宗正司移江寧南  
外移鎮江西外移揚州元年八月戊午明年春又移西外于秦  
州及高郵軍甲午三月冬又移于福州而南外移泉州  
以避狄甲午二月紹興元年秋嗣濮王仲湜請合西南外

宗正為一司以省財用有司以泉州乏財不許九月是  
時兩外宗子女婦合五百餘人歲費緡錢九萬南外三  
九人歲費錢六萬緡西外一百百四  
七十六人歲費錢約三萬緡紹興府宗正司者紹興  
三年以行在未有居第權分宗子居之三十年春恩平  
郡王出居會稽遂以為判大宗正事三月乾道七年虞  
丞相秉政言蜀中闕大宗正司上欲移紹興府宗正  
司于成都正月既而不行但省會稽一司而已今蜀中  
宗子甚衆既無親賢領之但每州以行尊者一員檢察  
錢未請受由是往來蹈于非彝而不可訓焉

建炎以來朝野雜記甲集卷一

乾隆丙申九月初十日校于京寓書屋影浦盦

建炎以來朝野雜記甲集卷第二

郊廟官省祠觀陵寢附

南北郊明堂

自元豐分南北郊至政和乃克行之建炎二年上祀  
圜丘獨祭上帝而配以太祖用元豐禮也紹興十三  
年郊祀始設大神大示及太祖太宗配位自天地  
至從祀諸神凡七百七十有一蓋元祐禮云明堂者  
仁宗皇祐中始行之其禮合祭天地並配祖宗又設  
從祀諸神如郊丘之數政和七年既建明堂于大內自  
是歲以九月行之燕獨祀上帝而配以神宗惟五帝

從祀紹興元年 上在會稽將行明堂禮命近臣議之  
王剛中居正為禮部郎官首建合祭之議宰相范覺民  
主之乃以常御殿為明堂但設天地 祖宗四位而已  
四年始設從祀諸神七年復祀明堂而 徽宗崩問已  
至中書舍人傅崧卿請增設 道君太上皇帝配位于  
太宗之次禮部侍郎陳公輔言 道君方在几筵未可  
配帝乃不行三十一年始崇祀 徽宗于明堂以配上  
帝而祀五天帝五人帝于堂上五宮神于東廂罷從祀  
諸神位用熙寧禮也乾道以後說者以德壽宮為嫌止  
行郊禮淳熙六年用李仁父周子充議復行明堂之祭

吳棫之去人帝三言

樓鑰有明堂議及再議見  
攻媿集卷之三

遂合祭並備焉逮十四年 高宗崩明年季秋乃用嚴  
父之典今郊禮從紹興明堂從皇祐惟歲時常祀則以  
太祖配冬至圜止 太宗配祈穀大雩 高宗配明堂  
宗祀蓋元延之為禮官時所請云

郊正明堂之費

隆興二年 孝宗初行大禮時湯慶公思退為左相  
上問郊與明堂之費如何戶部尚書韓仲通曰郊之費  
倍于明堂侍郎錢端禮言不過增二十萬若從 祖宗  
故事一切從儉自宜大有減省 上以為然乃詔除事  
神賞軍外並從省約會其秋金虜入寇遂用明年正月

辛亥朔旦行之。上自宮徂郊，乘玉輅，用鹵簿之半，禮畢，乘平輦而歸。乾道三年，再郊，始復備五輅，歸用天安輦馬。

### 當喪罷祭廟

自咸平以來，人主有三年之喪，則罷廟祭。熙寧元年郊祀，英宗喪未除，然前二日猶朝獻景靈宮，前一日朝饗太廟。元祐元年，宗祀亦如之。紹興七年，上祀明堂于建康時，徽宗未祔廟，太常少卿吳表臣奉行其禮。翰林學士朱震以為不然，監察御史趙渙言：「升祔以後，宗廟嘗祭皆不當廢，而當喪享廟亦有顯據。」左氏傳曰：

「烝嘗禘于廟。」曾子問曰：「已葬而祭，此不當廢也。」詩頌成王即位，諸侯助祭，春秋文公四年十二月，成公薨，六年十月，猶朝于廟，此顯據也。疏奏：「詔侍從臺諫議：『考吏部尚書孫近等十五人言：按唐故事，以皇帝將行郊禮，奉告太廟、太清宫，蓋告也，非祭也。』」上從之。三十一年，當宗祀，其夏已聞，欽宗之喪，禮部侍郎金安節言：「官廟皆當以大臣攝事，亦不從。」紹熙五年，明堂，孝宗未卒，哭時，趙汝愚朝獻景靈宮，嗣秀王伯圭朝饗太廟，而上獨祀明堂。慶元六年，上執光宗之喪，甫踰月，而當行大禮，乃命右丞相謝深甫款天興之祠，嗣濮王不



傳攝宗廟之祭蓋用紹熙禮云

太祖正東嚮之位

國朝自太祖追王四親以來每遇禘祫祖宗以昭

穆相對而虛東嚮之位王介甫用事以為僖祖以上

世次不可知則僖祖之有廟與后稷疑無以異當時

諸儒韓持國輩辨之不從熙寧八年夏禘于太廟以尊

僖祖自是無敢復議者紹熙五年八月董舍人弁為吏

部員外郎始請正太祖東嚮之位上命以秋後議

之明年春王侍郎普為太常丞復以為請趙元鎮為相

白行之下侍從臺諫禮官集議上謂元鎮曰太祖

弁吳作亨改魏集作弁

開基創業始受天命祫享居東嚮之位合于禮經必無

異議而諫官趙霈者乃謂上皇在遠宗廟之事未容

輕議事遂止淳熙末尤延之尚書為江西提刑復建此

議紹熙初入為宗伯遂申言之詔侍從臺諫兩省與禮

官同議其後亦不行時止宗卿侍郎在奉常亦以為言

而議終格逮趙子直得政遂決行之朱元晦侍講獨言

僖祖皇家始祖不當一旦併行祧毀不從故昌陵祔

廟踰二百年而後正太祖之位蓋自紹熙五年冬始

而別建一殿以奉祧主于大殿之西今謂四祖殿者是

也

樓以魏集有議及四祖別廟議在第二十三卷

九廟七廟之制

太廟自仁宗以來皆祀七世。崇寧初蔡京秉政始取王肅之說謂二祧在七世之外乃建九廟。奉翼祖宣祖咸歸本室焉。然王莽已營九廟。唐明皇又用之。非始于蔡京也。紹興中徽宗祔廟以為與哲宗同為一世。故無所祧及。升祔欽宗始祧翼祖高宗與一室。及阜陵復土趙子直為政遂祧僖宣二祖而祔。孝宗時朱元晦在經筵獨以九廟為非。子直不從。元晦議遂格。及光宗祔廟復不祧。今又祀九世矣。

太廟景靈宮天章閣欽先殿諸陵上宮祀式

國朝宗廟之制太廟以奉神主一歲五享。朔祭而月薦新。五享以宗室諸王。朔祭以太常卿行事。景靈宮奉以塑像。歲四孟饗。上親行之。帝后大忌則宰相率百官行香。僧道士作法事。而后妃六宮皆亦繼往。天章閣以奉畫像。時節朔望帝后生辰日皆徧薦之內。臣行事。欽先孝思殿亦奉神御。上日焚香而諸陵之上宮亦有御容。時節酌獻。如天章閣每歲寒食及十月朔宗室內人各往朝拜。春秋二仲太常行園陵。季秋監察御史檢視太廟之祭。以俎豆。景靈宮用牙盤。而天章閣等

先堯廟号似應併入後一條若以廟制河此亦當自為一則不應據宮也

尤家吳云當是尤表

以常饌用家人之禮云迄今不改 光堯之崩詔侍從官議廟號洪景廬內翰請補世祖從官多同之禮官顏師魯尤鄭僑疏奏曰臣等切惟宗廟之制祖有功而宗有德創業垂統功莫大焉繼體守文德莫茂焉 藝祖皇帝規創大業為宗 太祖 太宗皇帝混一區夏為宗 太宗自 真宗至于 欽宗聖相傳廟制一定萬世莫易仰惟 大行太上皇帝宏濟多難紹開中興功德兼隆上比 太祖 陛下孝思罔極求所以盡尊親之意稱祖立廟有何不可然在禮子為父屈示有尊也子雖齊聖不先父食 大行太上皇帝親為 徽宗

之子子為祖而父為宗則難以正尊卑昭穆之序今議者不過以先宗武為比 太上皇帝中興大業雖與光武同然漢自高祖至于平帝國統中絕光宗以長沙王之後起于布衣之中不與哀平相為繼承其稱祖無嫌一也漢制每帝即位輒立一廟不列昭穆故明帝更為光武立廟號為世祖廟蓋不與高祖為一其稱祖無嫌二也 天行太上皇帝功德盛大禮當尊崇然實繼 徽宗之正統以子繼父非若光武比也本朝參稽三代之制列昭穆于太廟非若漢世可以更為廟也仰惟 大行太上皇帝孝弟之至冠于百王將來祔廟若在父廟

之下而稱祖竊恐在天之靈有所不安若更為廟如東漢則于國朝之制豈容違戾質之典禮則不合驗之人情則不順夫昭穆尊卑之序所以闕網常係事體者甚大豈易輕變乞以臣等此章付集議所參稽禮經博采衆論施行從之遂定為高宗矣

### 先堯廟號議

初高宗廟號未定殿中侍御史冷世光監察御史吳傳古黃謙共議謂宜稱為聖宗權兵部侍郎林栗又議宜存尊號中十六字而益以聖神光孝四字廟號堯宗詔侍從臺諫兩省禮官同議時栗奏又謂唐高宗有尊

王倍吳棧作王信

兩謝諤題

后國祚幾危非所宜比皇太后聞其說必欲易之于是從官宇文价洪邁韓彥質葉翥劉國瑞王倍李巘謝諤吳珪章森諫諫官謝諤禮官顏師魯黃黼倪思張體仁沈鑑等同奏聖字乃契丹隆緒廟號恐難用又謚法雖有堯字乃後人採取傳會之說而北虜亦有名宗堯者斷不可用惟高字或光字為宜栗又固爭堯字為可用太常少卿尤柔奏曰昔曹操朱溫皆號太祖本朝太祖用之不嫌者名實所在自有定論也堯乃古帝名不可單用為號烈字則劉聰楊渥僭偽之主皆常用之光字雖若可用然字體太輕士庶名字多或用之于是稱

藝祖者以為種藝之藝建位天地開植宗社滋養萬物  
傳之無窮皆藝也大臣主之復下侍從臺諫兩省禮官  
議之者皆謂孔安國注舜典云藝者文也書之取義止  
于如此又經典中有才藝技藝與藝成而下之文可以  
為重可以為輕况施之于祖猶有可據施之于宗則失  
之牽合臣等謂極天下之美而前世未用者莫如大之  
一字易曰大哉乾元論語曰大哉堯之為君天之為義  
其廣如此請號曰太宗于是內出詔曰堯字載于謚法  
唐高祖亦謙神堯用為廟號似亦無嫌可令議定奏聞  
禮部太常寺奏堯舜乃二帝名唐高祖謚神堯 太上

皇帝尊號光堯猶曰比德于堯而又過之今乃獨取堯  
之一字以為廟號有所未安 本朝開基中興皆在商  
止 國號 大宋則今擬廟號獨取乎商之高宗實為  
有證詔從初議遂定為高宗方群臣之集議也又有欲  
稱成宗者案曰此吳越錢元瓘偽號也議者乃止其後  
壽康升祔遂號為先宗云

高宗 孝宗酌饗功臣

祖宗故事大臣配饗皆祔廟後議之若趙韓王曹秦王  
之配饗 太祖蓋在 真宗咸平時而韓魏王魯魯公  
之配饗于 英宗皆其身薨日降制亦在祔廟十數年

元本憲字下空一格吳校  
於孝字下添宗字非

後永思陵復土翰林學士洪邁言 聖神武文憲孝皇  
皇帝祈廟有期所有配食臣寮先期議定臣兩蒙宣諭  
欲用文武臣各兩人文臣故宰相贈太師秦國公謚忠  
穆呂頤浩特進觀文殿大學士謚忠簡趙鼎武臣太師  
蘄王謚忠武韓世忠太師魯王謚忠烈張俊此四人皆  
一時名宰將相合于天下公論望付侍臣詳議以聞議者  
皆以為宜遂從之祕書少監楊萬里獨謂張丞相浚不  
與配食為非宜爭之不能日補外去國焉 孝宗既祈  
廟詔以故相陳康伯侑食寶文閣待制吳摠上疏請以  
其父璘配饗廟廷不報

中興典祀

中興典祀冬至圜丘夏至皇地祇太祖孟春祈穀孟夏

雩祀神州地祇並太季秋明堂淳熙十六年閏五感生

帝禧祖配已上高禘青帝配以伏朝日天夕月夜九宮

貴神符青龍咸池太陰天一熒惑明高王宣大社大稷王

后出火納火祀大辰明王配蜡祭后稷西蜡明配以神農

神農南蜡神農以后稷五方岳鎮配四海四瀆配風雨雷

北蜡神農配以后稷五方岳鎮配四海四瀆配風雨雷

師無先農后稷先蠶至聖文宣王鄒國公昭烈武成

王侯祚德廟公啟佑公英畧  
渡江後郊廟宮省

元作強俯公吳校張  
濟公

紹興四年高宗在平江將還臨安始命有司建太廟  
十二年和議成乃作天社大稷皇后廟都亭驛太學十  
三年築園丘景靈宮高禩壇祕書省十五年作內中神  
御殿十六年廣太廟建武學十七年作玉津園太一宮  
萬壽觀十八年築九宮貴神壇十九年建太廟齋殿二  
十年作玉牒所二十二年作左藏庫南省倉二十五年  
建執政府二十六年築兩相第太醫局二十七年建尚  
書六部大閱所凡定都二十八年而郊廟宮省始備焉  
今園丘在龍華寺之西壇四成上成縱廣七丈下成二  
十二丈分三陛七十二級壇及內壇凡九十步中壇  
外壇共二十五步紹興十三年楊存中領殿前司所築  
也東都舊有青城齋宮渡江後以幕屋絞縛為之每郊  
費緡錢十餘萬淳熙末張端明初為京尹始議築齋宮  
可一勞而永逸上從之宇文寶學侂時為兵部尚書  
因宿直奏曰陛下方經畧河南今築青城是無中原  
意也上以為然亟命罷役

京太廟

京太廟舊十六楹其十四楹為七室東西二楹為夾室  
康定元年冬直祕閣趙希言請做古制每主為一廟一

寢或未能然則更立祧廟事下禮官宋子京等言晉宋  
以來多同殿異室祖宗至今行之已久遂不從及  
哲宗祔廟七室已滿僖祖太祖李邦直議父子曰世兄  
弟曰及乃祔哲宗主于東夾室馬室既隘神帳祭器  
至不能容乃皆裁削其制論者非之逮崇寧始改

### 今太廟

今太廟紹興四年創始高宗在揚州寓祖宗神主  
于壽寧寺已酉南渡太常少卿李陵遣親事官負神主  
以行虜人驅之遂失太祖神主後朝廷以重賞求之  
上自海道還神主留温州久之江端友為禮官請建太廟

正殿七楹分為十三室祖宗十一七年夏更築太廟于  
建康以臨安太廟為聖祖殿十二月復奉神主還臨  
安十六年新祭器將成而太廟室隘至不能陳列巫端  
明仍請增建太廟從之于是從西增六楹通舊十三楹  
每楹為一室東西二楹為夾室又作西神門冊寶殿祭  
器庫

### 景靈東西宮

祖宗以來帝后神御皆寓道釋之館神宗元豐中  
始倣漢原廟之制即景靈宮之東西為六殿每殿皆有  
館御前殿以奉宣祖已下御容而後殿以奉母后各



捐以美名。徽宗崇寧初以景靈無隙地乃于馳道之西立西宮以神宗為館御首哲宗次之號舊宮為景靈東宮建炎改元之二日即命有司建景靈宮于江寧帝后異殿然不克成渡江後自聖祖已下神御皆寓温州天慶宮以詞部郎官兼知州若官使相則兼景靈宮使典奉神御趙忠簡為相議築臨安以奉祖宗神御而留聖祖于東嘉後不果紹興十三年二月始遷于臨安然但通為三殿以奉聖容無復東都之制矣或者謂忠簡之議乃王沂公藏天書之意

今景靈宮

今景靈宮在新莊橋之西本劉光世賜第也初築三殿聖祖居前宣祖至徽宗居中元天大聖后與祖宗諸后居後掌宮內侍七人道士十人吏卒二百七十六人上元結燈樓寒食設鞦韆七夕設摩睺羅簾幙歲一易歲用酌獻二百四十羊凡帝后忌辰通用僧道士四七人作法事十八年增建道院二十一年韓世忠卒九月又以其賜第增築天興殿五楹中殿七楹後殿十有七楹齋殿進食殿皆備焉期年而畢

今天內

慈壽宮

大學

三省

臨安府

今天內舊杭州之治也紹興初高宗自越復還臨安

命有司裁為行宮百楹而已。時內侍楊公弼董其事，欲增為三百楹。上不可而止。蓋上日所御殿，茅屋才三楹。九年，秦丞相用事，始作慈寧宮。十二年，和議成，因作崇政殿，垂拱殿。十八年，乃名皇城，南門曰麗正，北門曰和寧。二十四年，建天章等六閣。二十八年，增築皇城東南之外城。於是時禁中已復營祥曦、福寧等殿，苑中有澄碧觀、堂、凌虛閣等。而上又自作復古殿、損齋、寶所、常御也。孝宗乾道初，作遜德殿。淳熙中，作翠寒堂。今壽慈宮，舊秦檜宅也。故為德壽宮。今太學，舊岳飛宅。今三省樞密院，舊顯寧寺。今臨安府，舊祥符寺。

秘書省

秘書省在天井巷之東。紹興十三年，創以殿前司寨為之。中有殿曰右文。淳熙中，陳叔進樞密，為秘書少監。始葺廣之。後園頗華麗。紹興末，趙子直欲以為泰安宮。會上皇不欲遷，乃止。

玉津園

玉津園紹興十七年，建。明年，虜使蕭秉溫來賀天申節。始燕射于園。乾道淳熙間，初復燕射飲餞，親王皆以為講禮之所。後又有德壽宮東園、集芳園、太上皇后下天竺御園。

按宋史秘書省成于紹興十四年七月

吳校作葉秉溫

睦親宅在文惠憲府 嘉王府

元本九王後秦王後吳後  
作九王宅秦王宅

東都故事宗室子皆築太室聚居之 太祖 太宗九  
王 曰睦親秦王 曰廣親 英宗三王曰親賢 神  
宗五王曰棣華 徽宗諸王曰蕃衍渡江後宗子始散  
居郡邑惟親賢子孫為近屬則聚居之 孝宗子四人  
邵悼肅王無後莊文太子魏惠憲王早薨莊文之妃惠  
憲之夫人皆別居賜第初莊文既大祥議者欲皇孫出  
居于外或以為不可久踰年竟以知樞密院府為外第  
焉 紹熙初 令上封嘉王將以籍富民裴氏之居為  
府第而議者以為非宜乃改築蓋自紹興以來天屬鮮

少故不復賜宅名云

內中神御殿

內中神御殿東都舊有之號欽先孝思殿紹興十五年  
秋始創在崇政殿之東凡朔望節序生辰 上皆親酌  
獻行香蓋用家人禮也

萬壽觀

萬壽觀以奉皇帝本命星宮大殿曰純福掌觀內侍二  
人道士十一人吏卒一百五十五人道士歲費縣官錢  
七百八十二千米百有十斛紹興十七年建

太一宮

吳校作九十年

太一宮以紹興十七年建明年宮成凡一百七十楹分  
六殿大殿曰靈休奉十神太夾殿曰瓊章寶室藏別殿  
四曰介福上命殿金闕寥陽清三明離火德真君齋明齋殿兩廡繪  
三皇五帝至里域星官凡一百九十五每歲四立日以  
籩豆祠之用素饌火禁依皇城法士民許即道院設道  
場品官聽升殿宮成以秦太師為奉安太一使翊日  
上親詣職事官寺監簿在京釐務官通直郎已上皆立  
班道士官給糧歲為五百斛其后又詔市嘉興田三十  
頃以為道糧宮後小坡上有亭曰武林竹栢周遭頗清  
絕孝宗受禪遷介福像于夾屋而名新殿為崇福光宗受

佑聖觀

佑聖觀

孝宗舊邸也

壁間有

上少時所題

去富貴

必從勤苦得男兒須讀五車書至今以碧紗籠寶藏之

淳熙三年建以奉佑聖真武靈應真君十  
二月落成或曰真武像蓋肖上御容也

寧壽觀

寧壽觀在七寶山之上舊名三茅堂有徽宗御畫茅  
君像紹興二十年賜額觀後林內下瞰大內之宮中接  
殿皆髣髴可見今為禁地

延祥觀

延祥觀紹興十四年建以奉四聖真君初靖廢末上

自康邸北使將就馬小婢招兒見四金甲神各執弓劍以衛上指示衆皆云不見顯仁后聞之曰我事四聖香火甚謹必其陰助及隔虜中每至夜深必四十拜及曹勛南歸后令奏上宜加崇奉以答景貺云觀今在西湖上極壯麗其像以沈香斲之修繕之費皆出慈寧宮有司不與焉

### 顯應觀

顯應觀紹興十七年建以奉磁州崔府君在西湖之東岸昔高宗靖康北使至磁而還建炎初秀王夫人夢神人自稱崔府君擁一羊謂之曰以此為識已而有娠

遂產孝宗亦異矣崔府君東漢崔瑗也封嘉應侯

### 祚德廟

祚德廟始熙寧間神宗未有聖嗣故吳居厚請為之皇宗類苑卷八引有湘雅記作誠信侯然未有歸殿義成侯之封不知何時始祀紹興十六年四月立于臨安六月詔誠信侯程嬰增忠節忠智侯公孫杵臼增通勇義成侯韓厥增忠定時國嗣未建故祠之且升為中祀後又封為公是歲監察御史石棣王鎡因請行親祠高禘之禮八月改築高禘壇于園北之東高起而廣五倍十七年二月以秦丞相為親祠使丁未上親祠青帝于壇以伏羲高辛配之又祀簡狄姜嫄于壇下牲用太牢玉用青幣放其玉之色

吳後一作在瓊

管海奴

樂舞如園止之制

郡國祖宗神御

郡國廟國朝惟祖宗所常幸則有之建炎初虜圍西  
京急留守孫昭遠遣其將王仔奉啟運宮神御間道走  
揚州後遷于福州而永安軍會聖宮揚州章武殿之御  
容則遷于温州天慶觀紹興十三年復奉温州神御還  
臨安奉安于萬壽觀之後殿惟啟運留福州以宗臣提  
舉成都府新繁縣御容殿者始在重光寺藥師院雍熙  
間僧道輝畫太祖皇帝御容于佛屋之後壁熙寧六  
年趙清獻為成都守請建殿奉安神宗不許但令設

吳校以河臣提舉

元本校屋吳校作板屋  
板屋下又見舊不誤

枝屋欄楯以扃護之元豐七年走馬承受趙選者更具  
奏得旨修建殿宇創置門鑰官設監守朝謁以時紹興

元年終南山清太平宮道士訾全真等復持太宗

真宗御容自歧下抵宣撫使張忠獻忠獻即遣使奉安

于太祖之側四年宣撫副使吳武安玠更自武

興送仁宗英宗神宗御容至殿奉安二十七年

楊文安椿為兵部侍郎言于朝有旨別加營繕始更為

殿門外向二十九年乃成時王時亨知府事請賜宮額

及殿名不報淳熙中胡長文入蜀始議即府之聖壽寺

創殿以奉御容殿宇甚華供奉之物亦寢備乃渡乞宮

吳校作聖壽寺

元本終南三礼吳校紹興  
之礼

額于朝先是長文創雄邊軍數千人列營府治之側又  
言右室學官聚川陝之士而每遇科舉皆得試其鄉乞  
為之別立解額事未行議者曰謂今蜀已有太學及殿  
前司獨欠景靈宮耳由是格不下今春秋以府通判朝  
謁用素饌道士讀祝文猶如  
之禮云

### 昭慈永佑殯宮議

國朝自宣祖葬河南之永安其後六聖皆祔紹興  
元年昭慈聖獻皇后崩于越州遺詔便宜擇地殯殯  
候軍事寧息歸葬園陵梓宮取周于身以為他日遷奉  
之便于是權殯于會稽縣之上皇村十二年徽宗梓

宮將還宰相秦檜白令侍從臺議禮官赴尚書省集議  
靈駕既還當崇奉陵寢或稱殯宮禮部員外郎眉山程  
敦厚希檜意獨上奏言仍殯宮之舊稱則莫能示通和  
之大信而用因山之正典則若忘存本之後圖臣以為  
宜勿徇虛名而當示大信于是議者工部尚書莫將等  
乃言太史稱歲中不利大葬請用明德皇后故事權殯  
許之議狀遠引明德而近捨昭慈似有所避也其後  
高宗遺詔亦稱殯宮迄今遂循故事

### 殯宮五使

昭慈之喪以同知樞密院事李回為總護使刑部尚書

永佑永祐前後五寫吳校  
作祐

胡直孺為橋道頓遞使神武左軍都統制韓世忠為樞  
管內侍楊公弼為都監調三衛神武輜重越州卒千三  
百人穿復土不置五使永佑顯仁亦如之 高宗山陵  
始備五使知典禮

昭慈永祐顯仁永思永阜永崇六攢宮

昭慈殯官方百步下宮深一丈五尺明器止用鉛錫置  
都監巡檢各一員衛卒百人生日忌辰旦望節序排辦  
如天章閣之儀以香火院為泰寧寺永祐陵在昭慈殯  
宮西北五十步用地二百二十畝兩殯宮歲用祠祭錢  
八千四百餘緡修繕錢五千緡 顯仁皇后殯宮在

按綱目紹興十三年冬十月樹  
徽宗皇帝葬顯仁皇后於永  
固陵 注云尋改永祐。此考  
俱作永祐浙江通志亦永祐  
當是綱目之誤

顯肅不係攢宮

顯肅宮之西十九步二殯宮舊未有禁地 顯仁既葬  
始立四隅以二十里為禁域凡民居止墓皆遷之永思  
陵亦在會稽紹興末將營永阜陵趙子直以思陵之旁  
土薄水淺議卜于臨安之中軍寨朱晦翁亦乞于近畿  
改卜衆議不同復祔于會稽之域其後遂續建永崇焉

山陵非宰相護送

永佑之權殯也宰相秦會之不欲行乃命信安孟王忠  
厚以樞密使為之及營思陵備置五使遂命右相周益  
公掩殯宮從所請也時左相王季海以母老惡凶事故  
不欲行然陵成而王卒罷永阜之役既命丞相留仲至



未葬而仲至遂右相趙子直亦不欲行乃以少傅保寧  
軍節度使郭師禹為總護使而命參知政事余處恭持  
節導梓宮既葬師禹封永寧郡王子直遂得罪慶元末  
永崇陵將復土右相謝子肅亦不行乃命平原王韓侂  
胄馬山陵非宰相護送遂為故事

成恭成穆慈懿恭淑四殯宮 殯宋史作攢

初營佑陵 顯肅皇后同穴後以 顯仁祔之 憲節

皇后陪葬于祐陵故永思獨以 憲聖祔 孝宗在藩

邸 成穆已殯于臨安府南山之脩善寺乾道初 成

恭歿回葬其東 慈懿皇后殯宮又在 成穆之東神

穴深九尺紅圓裏方三十有五步用 成恭例也 恭

淑皇后殯宮在 慈懿之東廣教寺

元懿太子殯所

元懿太子殯所在建康府城中鐵塔寺法堂西偏之小

室無守者蓋時方巡幸庶事草創故也

莊文太子園

莊文太子園在臨安府寶林院法堂內初議以南山淨

慈寺為之王日曦時為給事中言其高明顯敞與安穆

安恭事體為不相稱遂改用寶林焉

秀安僖王園 濮王秀王祠堂

綱目殯徽宗皇帝顯肅皇后以  
永固陵以號前皇后相而不及  
致仁具憲節為懿節以此不同

吳棻作修吉寺梅第一卷  
成穆皇后殯于北山修吉寺  
別修吉為是而北山再考

吳棻二十五步

吳棫作紹興非第一卷亦作  
俗題

秀安僖王園在湖州城外之菁山紹熙元年八月詔營  
廟于園之正北三間三厦神門櫺星門各一座神厨齋館  
隨地之宜又作祠堂于臨安府櫺星門一座朝門祠堂  
後堂各三間枝屋兩間歌洎位庫屋巡防役人屋等又  
共為七十三間廟以藏神主祠堂以藏神貌用濮園故  
事也濮王祠堂并神主今寓紹興之報恩寺

### 永佑永獻喪制

徽宗初葬五國城後七年虜人乃以梓宮還行在梓宮  
將至上服黃袍乘輦詣平奉迎登舟易總服百官皆如  
之既至行在寓于龍德別宮以故待漏院為之在行宮

南門外之東 帝后異殿先是選人楊焯獻書于執政

李光以梓宮雖還真偽未辨左宣義郎王之道亦貽書

諫官曾統乞奏命大臣取神襯之最下者斷而視之然

後奉安既而禮官請用安陵故事梓宮入境即承之以

擲有司頌製衮冕翬衣以往至則納擲中不改斂欽宗

之喪舉哀于天章閣南以學士院為几筵殿遷上陵名

曰永獻暨乾道中朝廷遣使求陵寢地虜人許以遷奉

且併歸靖康梓宮朝廷難之虜人乃以禮陪葬于鞏縣

云

宋史作永獻 浙江通志作永顯

乾隆丙戌五月二十日寫記并勅過靈沼寫廬誌

建炎以來朝野雜記甲集卷二

乾隆丙戌重陽後是日與石方經于瑤華觀飲碑酌酒書之頗適博志記

建炎以來朝野雜記甲集卷三

典禮

尊號

人主尊號自漢哀帝用方士之說始有之本朝沿唐故事每遇大禮群臣必奉冊寶加上尊號神宗皇帝聖學高遠以謂虛名無益遂罷之紹興十八年士民曾溥等千餘人請上尊號高宗不許及遜位孝宗始奉冊加號曰光堯壽聖乾道六年上皇將加號時周益公在翰苑請用唐故事皇帝率百官詣德壽宮再表以請太上乃下詔許之禮文粲然近古所未有其後

吳棫子以曾溥

每因慶典加之至淳熙末年累加 光堯壽聖憲天體  
道性仁誠德緯武經文紹業興統明謨盛烈凡二十四  
字 孝宗既內禪乃上尊號曰至尊壽皇聖帝自後不  
復加 光宗在壽康宮亦加聖安壽仁四字遂為奉親  
之典焉

年號

高宗初即位改元建炎以火德中微故也苗劉之亂以  
為炎字乃兩火故多盛明年還自海上改五年為紹興  
久之既與虜議和遂不復改 三十二年 孝宗即位踰  
年改隆興其說以為務隆興之政及學士草制則合建

吳校曾其以改元建炎  
也七

隆紹興之義非初意矣二年王瞻叔為參知政事言趙  
諗謀逆常欲以隆興紀元令太常丞曾逮檢事實以進  
上愕然明年正月郊改元乾道乾道盡九年時以為乾  
元用九之數已極乃改為純熙尋又易純為淳言欲致  
淳化雍熙之美也十六年 光宗即位將紹淳熙之政  
遂以紹熙紀元猶隆興意耳而學士草制則又合紹興  
淳熙為義亦非初意也五年 上繼統趙子直為相銳  
意慶歷元祐故事乃改慶元慶元盡六年而 上皇及  
太后繼崩中官去世二皇子不育 朝廷嫌之曰改明  
年為嘉泰云

總論南巡後禮樂

自南巡後庶事草創。上祀天維揚始命即京師取祭  
罷法服鹵簿之屬。已酉南渡悉為金人所焚。紹興元年  
始作蒼璧黃琮。十年明堂始備大樂。飲福用金爵。十二  
年將迎太母于臨平。始制常行儀衛。十三年始復朔  
日視朝之禮。又行孟饗。脩五輅。及建金鷄肆赦祠。祭始  
用牲。十四年復教坊。建宗學。作渾天儀。十五年初籍千  
畝。及行大朝會禮。作新祭器。十六年始備八寶鑄景鐘。  
建御書院。太廟祐室。及賜講畢御筵。十七年始命太常  
行園陵。御史監視。及賜新進士聞喜宴。十八年始繪配

吳校太廟石室

饗功臣像于景靈宮庭之兩壁。十九年始復蜡祭。及諸  
陵薦新。二十七年始復太廟功臣七祭之祭。及諸大祀。  
蓋自息兵後。將二十年而禮樂始備焉。

恭謝

恭謝自真宗以來。每大禮畢行之。建炎初不講。紹興  
元年明堂畢。命同知樞密院事富季申恭謝越州大慶  
觀。温州守臣恭謝景靈宮。十三年郊禮畢。上詣景靈  
宮恭謝。時宮始成。故也。舊太一宮亦恭謝。十八年宮成  
復舉行之。自是遂為故事。

大慶宮是天慶

大朝會

十一月十日

大朝會者紹興十二年十月詔來歲舉行之王望之為  
禮部侍郎言排不及請俟來年冬至既而不果十五年  
正月朔旦乃克行用黃麾杖三千三百五十八人視東  
都舊儀損三之一時無大慶殿遂權于崇政殿行之以  
殿狹輦出房不鳴鞭他如故事是日設宮架樂百官朝  
服上壽如儀自是一行而止

### 親耕

親耕紹興十五年詔舉行之太師秦檜為耕籍使禮官  
張柄謂耕籍使乘金根車先詣壇所從之後檜不敢乘  
而止明年正月五日上服袞冕親饗先農于東郊牲

用少牢配以后稷禮畢易通天冠絳紗袍親詣耕籍宮  
架樂作上親耕九推乃止遂登親耕壇命宰執使相  
侍從兩省臺諫行五推九推之禮庶人終千畝焉時太  
常寺丞王湛者又請皇后就禁中親蠶不果行司農寺  
主簿宋敦樸因請令守令以歲中春出郊勞農至今遂  
為故事

### 視學

幸秘閣

視學祖宗以來屢行之紹興十三年國學初建明年  
三月上幸學祇謁先聖退御敦化堂命禮部侍郎秦  
熿執經國子司業高閔講易泰卦遂幸養正持志二齋

賜閱三品服學官皆遷一官諸生受官免解賜帛如故事時朝廷務講文政閱以為請承務郎胡宏聞之移書責閱希合語在儒學事中其年秋又用秘書少監建陽游操之請幸祕閣召群臣觀晉唐書畫三代古器賜操三品服省官皆遷官淳熙中孝宗踵光堯故事視學命禮部侍郎李燾執經祭酒林光朝講大學遂幸秘書省賜省官燕饗上賦七言律詩坐者皆屬和是為兩朝盛事云

大閱

大閱者真廟景德初以契丹將犯塞始行之高宗

建炎中嘗諭呂忠穆張忠獻二公欲講其禮後以避狄不果行隆興二年五月孝宗將閱武于近郊既涓日矣會雨作而止乾道二年十一月始幸白石教場上登臺親御甲冑指授方畧命殿前馬步三司各教為三陣戈甲耀日旌旗蔽野師衆歡呼擊刺無不中節上大悅四年十月又大閱于茅灘時冬日可愛士民觀者如堵權主管殿前司公事王逵因奉觴稱壽上嘉獎之加賜諸軍中金四十鎰錢千萬餘緡淳熙四年十二月又大閱于茅灘十年十一月又大閱于龍山皆用此例

吳校作王逵

吳校作十萬

吳校白石茅灘俱不見此

視學大閱禮文俱詳武林唐事

燕射

燕射 祖宗承平時數行之渡江後不講乾道末孝  
宗嘗諭朝臣留意習射淳熙元年九月遂幸玉津園講  
燕射之禮賜皇太子宰執使相侍從正任御宴酒三行  
樂作上臨軒有司進弓矢上射中太子進酒率群  
臣再拜稱賀次太子及環衛官蕭奪里懶射中上再  
射復中的保信軍節度使開府儀同三司鄭藻起居舍  
人王卿月亦射中賜太子及藻奪里懶卿月襲衣金帶  
上賦七言詩丞相曾欽道以下屬和上還宮是日陰  
雨道無纖埃都人聳觀歡林野禮甫畢雨始作

北戎禮物

自和戎後虜人正旦餽

上金酒器六事

注碗一盞色  
四盤一

綾羅紗縠三百段馬六匹坐辰珠一袋金帶一條衣七  
對箱一合色綾羅五百段馬十足而戎主生辰正旦朝  
廷皆遺金茶器千兩銀酒器萬兩錦綺千匹云

北使禮節

北使至闕先遣伴使賜御筵于班荆館

在赤岸去酒七  
府十五里

行翊日登舟至此郭稅亭茶酒畢上馬入餘杭門至都  
亭驛分位上賜被褥鈔鑼等明日臨安府書送酒食  
閣門官八位說朝見儀投朝見牓子又明日入見伴使

以况集有賜被褥鈔鑼  
口宜作鈔鑼



至南宮門外下馬北使至閤門內上御紫宸殿六參  
官起居北使見畢退赴客省茶酒遂燕垂拱殿酒五行  
惟從官以上預坐是日賜茶罷名菓又明日賜生餼見  
之二日與伴使皆往天竺寺燒香上賜沈香乳糖齋  
筵酒果次至冷泉亭呼猿洞而歸翊日賜內中酒果風  
藥花餽赴守歲夜筵酒五行用傀儡正月朔旦朝賀禮  
畢上遣大臣就驛賜御筵中使傳旨宣勸酒九行  
三日客省簽賜酒食內中賜酒菓遂赴浙江亭觀潮酒  
七行四日赴玉津園燕射朝廷命諸校善射者假管軍  
觀察使伴之上賜弓矢酒行樂作伴射官與天使並

射子館伴副使與國信副使並射弩酒九行退五日大  
燕集英殿尚書郎監察御史已上皆與學士撰致語六  
日朝辭退賜襲衣金帶大銀器臨安府書送贐儀上  
復遣執政官就驛賜燕晚赴解換夜筵伴使與北使皆  
親勸酬且以衣物為備次日上賜龍鳳茶金鍍合乘  
馬出北閤門登舟宿赤岸又次日上遣近臣押賜御  
筵大凡到闕朝見燕射朝辭密賜大使共得中金千四  
百兩副使八百八十兩衣各三襲金帶各三條都管上  
節皆銀四十兩中下節皆三十兩衣一襲塗金帶副之  
迄今並循此例

奉使出疆賞賚

自紹興以來朝廷每遣使往北境賀生辰正旦使副及三節人從往還皆遷一官資上中節各十人下節三十人並不許白身使賜裝錢千緡副賜八百緡銀二百兩帛二百匹上節銀帛共三十中節二十五下節十五三節人俸外月給五百錢探請俸二月十八年詔錢賞各減半若非泛遣使則如舊

崇義公

崇義公周後也仁宗嘉祐中擇使臣柴詠者封之詠于世宗為從孫熙寧中司馬公為西京留臺請廢詠而

立郭氏後王介甫為上言豈可使世宗以得天下之故易其姓乃不行詠傳至曾孫恪為虜所殺紹興五年以恪從弟承節即叔夏為右承奉郎襲封崇義公奉周後二十六年叔夏老乃以其子國器嗣封今居衢州每朝有大禮則入侍祠如故事

行聖公

行聖公孔子後也歷代皆有封元祐中加賜田百頃紹興中行聖公孔玠避難渡江上以林廟隔絕八年夏以衢州田五頃賜之二十四年玠卒復以其子播為右承務郎襲爵奉祠事淳熙中入侍祠擢建昌守久之坐

妄用庫金貶秩遂不復用焉紹熙初措累遷至朝散大夫未幾卒四年秋詔以子文遠為承奉郎封衍聖公今其族人間有登進士第者

濟寧公群臣家廟

神版祭器

群臣家廟自慶歷中宋晉公請為之後詔宰執官許祀四室然當時大臣獨文潞公嘗建于河南私第他未見也大觀四年詔公輔大臣祀五世且以祭器賜之紹興十六年上命有司為秦益公立家廟太常請建于私第中門之左一堂五室五世祖居中東二昭西二穆堂飾以黝堊神版長一尺博四寸五分厚五寸八分大書

某官某夫人之神座貯以帛囊藏以漆函用神幄歲四饗用孟月柔日行之具三獻有司言時饗用常器常饌上徹政和故事特命制祭器賜之其後外戚常吳等諸家及將相虞雍公揚和王吳信王皆賜祭器蓋自秦益公始

列郡拜朔表

州郡拜月表故事惟西南北三京有之建炎二年寇密院防撫諭江淮時四方多故防始請令列郡月朔拜表如三京以示尊君親上之意從之自是遂為永制

吳校龍門

吳校龍門

舊群臣朝殿遇雨開隔門起居紹興中申行之又詔從駕遇雨賜雨具景靈宮遇雨或地濕分東西廟立班皆特恩也

百官肩輿蓋故事百官出入皆乘馬建炎初上以維揚磚滑謂大臣曰君臣一體朕不忍使群臣奔走危地可特許乘轎蓋東都舊制惟婦人得乘車其他耆德大臣或宗室近屬行尊者特旨許乘肩輿已為異禮靖康末高宗奉使至磁守宗汝霖以所乘轎進黑漆紫褥而已上猶卻之蓋京百官不用肩輿所以避至尊也今行在官

非入朝無乘馬者舊在京非宰輔使相親王無得張蓋紹興後北使至則用之伴使因亦然至今以為例

### 教坊

教坊今樂也建炎初省紹興十四年復置凡樂工四百有六十人以内侍充鈐轄紹興末復省隆興二年天申節將用樂上壽上謂宰相湯慶公等曰一歲之間止兩宮誕日外餘無所用不知作何名色大臣皆言臨時點集不必置教坊上曰善乾道後每北使每歲兩至亦用樂但呼市人使之孝宗天資恭儉每如此凡入殿無貴賤皆拜惟樂工獨敢喏蓋伶倫與軍民之禮不

同云貴類皆秩部樂工既辨蓋外尚典軍牙之野不  
亦此樂部知市入外之  
禮樂不必置於此  
西宮路日長於無與日不味科回亦多夫日皆言謂部  
禮部因樂主書  
自六十七入山內計其  
光隆丙戌五月二十日午前寫畢并校

建炎以來朝野雜記甲集卷第二

建炎以來朝野雜記甲集卷四

制作

八寶

御寶備于政和自太祖開基始有 大宋受命之寶  
後諸聖嗣服皆自為一寶以皇帝恭膺天命之寶為文  
元符間既得漢傳國璽因以為受命寶受命于天大觀  
初又得良工倣古作天子皇帝六璽已而徽宗又作  
鎮國寶遠天福延萬通號八寶焉久之作定命寶其文有範  
園天地幽贊神明保合太和萬號九寶京城破自定命  
壽無疆凡十六字定泰京所賦號九寶京城破自定命  
寶外悉為虜所得而大宋受命之寶即澤民侍郎紹以

隨葬乃得全張邦昌將復避遣謝任伯參政奉寶歸于

高宗建炎二年秋始鑄三御寶一曰皇帝欽崇國祀之

寶印香合二曰天下合同之寶印中書詞三曰書詔之

寶印詔表皆以金為之逮十六年郊始備八寶八寶者入

內侍省掌之紹興末上即位于重華宮時寶藏于

大內皇太后旨取之今八寶未知何人所書其文

如政和之制

三省樞密院印

三省樞密印建炎三年秋鑄以銀為之時上命滕子

濟權知三省樞密院扈從隆祐皇太后往豫章故鑄

此印

入宮殿諸門號

入宮殿等諸門號皇城司掌之紹興二年正月更定其

制勅入禁衛號黃綾八角道二十入殿門黃絹以方道一十

入宮門黃絹以圓道八入皇城門黃絹以長道三十三年

十一月更宮門號以緋紅絹方皇城門以緋紅絹圓自

後不易其制

禮神十二玉

禮神十二玉昊天上帝以蒼璧皇地祇以黃琮感生帝

以四圭有邸神州地祇社稷以兩圭有邸日月以圭璧

物目錄此處去處符一條

五帝以青圭赤璋白琥元璜黃琮紹興初以闕祭玉但命隨方色奠幣焉是年當大禮之官請以木為璧繪天地之色上難之因命訪美玉以為蒼璧黃琮時明堂不祠五帝等神故他玉未及也四年明堂始制五帝日月等玉初以未得美璞將用天聖故事以珉為之既而得真玉數十斤遂命改制其中赤璋最粹美他玉多不及禮經尺寸云

景鐘

景鐘紹興十六年秋七月鑄鐘高九尺天子親祠上帝則用之以皇祐黍尺為準于是上命太師秦檜銘之

曰德純懿兮舜文維躋壽域兮孰內外薦上帝兮偉茲器散氣應兮用久視貽子孫兮彌萬世鐘成冬十月上御射殿觀之時以雅樂多闕命給事中段拂等補造是日撞景鐘奏新樂正刺史以上皆與觀焉

飲福金爵

飲福金爵紹興十年明堂始用之政和大禮舊用萬壽玉尊時無玉尊故以金爵代之也先是大禮自天地至從祀諸神七百七十一位當用籩豆簋簋尊罍彝鼎之屬九千二百五太廟用五百九十六舊用銅玉者權以陶木代之王伯照普為國子博士嘗言今祭器皆倣鼻

宗義三禮圖非是請改作時多事未克行十八年始命  
段樞密拂等改作焉由是禮器煥然復如東都承平之  
故矣  
五輅 靖康中已遺狄紹興十二年始為玉輅九月輅成  
上御射殿觀之明年春遂作金象革木四輅及大安輦  
舊鹵簿悉用文綉中興皆以纈

七寶輦

七寶輦 上皇所御也隆興二年始為之有司言東都  
舊制輦飾以玉裙網用七寶而滴子用真珠及進呈

上曰太上皇帝之意不欲如此止欲節省兼物料未  
易辦湯慶公等因請下禮官看詳禮官奏以塗金易玉  
飾梅紅絲結裙網而象牙代真珠上曰網以七寶為  
之零碎者亦可辦既而上皇不肖造每至大內多乘  
馬而間至湖上則用肩輿蓋不欲煩臣民云

渾天儀

渾天儀古器也舊京凡四座每座約用銅二萬斤至道  
儀在測驗渾儀所皇祐儀在翰林天文局熙寧儀在太  
史局天文院元祐儀在合臺紹興三年工部員外郎晉  
陵袁正功獻渾儀本樣命有司製之太史局請折半製



造計用銅八千四百餘斤詔工部侍郎提舉後以巡幸不克成時賓州龍水縣士人張大穢以本為蓋天言可備軍幕中候驗七年夏席大光為制置大使獻諸朝其後上在宮中自作渾儀然制差小十四年四月遂命有司製之內侍卽諤領其事久之乃成三十二年以授太史局焉

紀元統元會元曆

宣靖間用紀元曆兵興後失之司天無所考由是曆差一日紹興二年夏上命訪得舊曆以授史官五年正月朔日有食之史官所定不驗時常州布衣陳得一為

吳校作官曆

侍御史沙縣張致遠言史官立朔有訛定臘失序致遠言于朝遂命得一造新曆朱子發以秘書少監視即秘書省置局八月曆成名統元賜得一號通微處士官一子焉乾道淳熙稍復更定皆判太史局劉孝榮所作也紹熙初有武臣趙煥者言其差故命孝榮更造會元曆

統天曆

統天曆慶元五年京文忠鏜為丞相時所上也初會元曆既成而布衣王孝禮言孝榮未嘗以銅表圭面測影故冬至後朝廷然之未暇改作至慶元四年九月朔

元本後火吳校後天

太史言月蝕于夜而草澤言食在晝詔楊子美祕監驗  
 視如草澤言乃改造曆以祕書省正字馮履為參定官  
 履字叔常臨邛人嘗從故直徽猷閣張行成為數學故  
 以命焉曆未成明年正月癸卯監察御史張岩言履唱  
 為陂辭搖撼國是遂罷去三月庚戌乃詔諸道有通曉  
 天文曆算者所在具名來上五月曆成曆經凡三卷沿  
 曆他書十七種凡二十九卷又上福安進士侯望重校  
 萬年曆十七卷細目二卷嘉泰二年日食五月朔太史  
 以為午正而草澤趙大猷言午初三刻半日食三分詔  
 著作佐郎張嗣古監視渾儀祕書丞朱欽則著作郎王  
 容測驗起居舍人俞徵覆驗卒如大猷所言史官乃抵  
 罪焉蓋自渡江後言曆差者多矣

神宗 哲宗新實錄

神宗 哲宗新實錄趙元鎮為相時所修也 神錄有  
 考異 哲錄有辨誣皆出范元長侍讀一手與修者任  
 德初張子韶尹彥明高抑崇胡德輝范伯達朱喬年王  
 信伯李似之等俱一時名人始 高宗在南都以二錄  
 成于京下之手事多矯誣嘗下詔更修而未果已酉南  
 渡國史散佚靡有子遺其後數下詔詔求之紹興元年  
 才得布衣何克忠所藏 太祖實錄四冊而已 上以

書籍殘缺之際特命以官已而戚里張懋家獻 太祖  
至神宗六朝實錄會要史志等書小校唐開亦獻王  
珪所編五朝會要最後五年二月始從故相趙鼎之家  
得蔡京所修 哲宗實錄皆下之史官六年正月新實  
錄成八年九月 哲錄成時范元長已去官而尹彥明  
以祕書少監典其事元長所修 神錄舊文以墨書刪  
去者以黃書新修者以朱書世號朱墨史

徽宗 欽宗 高宗 孝宗 光宗實錄

徽宗實錄紹興未嘗成書始建炎兵火後史院片紙不  
存汪彥章內翰守湖以湖州獨不被兵當時所頒賞功

罰罪等事咸在乃曰以為張本又訪諸士大夫間編集  
元符庚辰以來詔旨至宣和乙巳上之其書凡八百六  
十五卷其后修 徽錄史官皆仰之然猶多脫畧淳熙  
中李文簡仁父在史院奉詔增修之 欽宗寔錄洪景  
廬曰龔實之所補日曆而修之文直而事核 高宗實  
錄慶元嘉泰間京異公仲遠謝魯公子肅為丞相時所  
上時史館無專官未知果誰筆也 孝宗 光宗實錄  
嘉泰二年詔寶文閣學士傅伯壽直華文閣陸游同修  
蓋專以委之先是和州布衣龔敦頤者元祐黨人原之  
曾孫也嘗著符祐本末黨籍列傳等書數百卷淳熙末

洪景盧領史院奏官之後避光宗名改頤正朝廷以其有史學嘉泰七年七月賜出身除寔錄院檢討官蓋付以史事未幾而頤正卒乃外名傳陸還朝孝錄比他書尤踈駁

### 四朝正史

四朝正史始于李仁父而終于洪景盧乾道中仁父初入史院上四朝帝紀再還朝乃修諸志未及進書而仁父去國時史館官多以為侍從兼職往不能淹貫則私假朝士之有文學者代為之今四朝藝文志一書寔先君子之筆也淳熙中趙衛公溫叔為相史志告成

仁父時守建寧大臣言仁父之力為多特進秩一等久之列傳猶未就緒上遂召仁父卒成之書垂成而仁父卒乃自婺州召景盧入領內祠專典史事又踰歲而始成書凡列傳八百七十摠一百三十五卷

### 紹興乾道淳熙慶元敕令格式

國朝法令大抵從寬政和後始有御筆特斷刑名是益多出于三尺之外矣靖康元年九月議者請參用嘉祐元豐舊法以竢新書之成奏可尋詔律令依嘉祐斷刑依元豐明年四月復詔政和海行法非御修筆立者許引用建炎三年復辟舉行仁宗法度即嘉祐元豐

法有不同者賞格聽從重條約聽從輕時呂元直張德遠始為政也明年六月范覺民相乃奏命有司以嘉祐政和敕對修成書紹興元年八月上之其後乾道淳熙慶元之際率十餘歲一修然大槩以紹興重修敕令格式為準

### 淳熙事類

淳熙事類。孝宗時所修也。國初但有刑統謂之律。後有敕令格式與律並行。若不修則從敕令格式。然士大夫罕通法律。而數書散漫。故吏得以舞文。上患之。淳熙中始命敕局官取敕令格式及申明五書分門來上。七年四月乃成為摠門三十三。別門四百二十。詔頒行之。賜名淳熙事類。

### 紹興淳熙慶元寬恤詔令

寬恤詔令者始紹興二十二年八月王瞻叔知荆門軍代還入見請命有司編集中興以來寬恤詔令而知惠州鄭康佐者亦言守令奉行詔書不虔請編類成書以賜從之二十五年九月乃成凡二百卷號紹興寬恤詔令。其后淳熙慶元皆有之。淳熙書成于十二年夏。慶元書編于五年終。

### 兩朝聖政錄

光堯聖政錄者隆興乾道間所修也。紹興三十九年九

月以教令所為編類聖政所命輔臣領之乾道二年冬  
蔣子禮為參知政事上其書凡三十卷 上自為之序  
大凡分門立論視寶訓而加詳焉紹熙中又為壽皇聖  
政錄上之其書亦三十卷

中興禮書

中興禮書者淳熙中所上也紹興間太常少卿趙子直  
採渡江以來所行為續因革禮三十卷其後禮官踵為  
之然未上也淳熙十二年春史彌天方叔權禮部侍郎  
乃言此書一朝大典如內禪慶壽等禮皆歷代所未嘗  
行乞下禮官宣取以進仍不必推恩 上許之其書凡

八百餘卷方叔文惠王長子也後終敷文閣待制

續資治通鑑長編

九朝通畧

東都事畧

續資治通鑑長編者李文簡燾所修也其書倣司馬氏  
通鑑踵為之然文簡謙不敢名續通鑑故但謂之續長  
編 乾道初 上召文簡為史官命有司給筆札四年  
四月以 五朝事上之 孝宗謂輔臣曰自建隆至治  
平百餘歲事迹備于此矣淳熙十年文簡為遂寧守始  
上其全書自建隆至靖康凡九百八十卷舉要六十八

卷 上甚重之以其書付祕書省十二年二月又有知  
台州熊克上所著 九朝通畧詔遷一官克字子復建

寧人嘗為起居郎直學士院其書視長編才十一頗訛  
舛十三年八月又有知龍州王稱亦獻東都事畧百三  
十卷于朝洪內翰主之明年春除直祕閣然其書特擬  
取五朝史傳及四朝寶錄附傳而微以野史附益  
之尤疎駁稱眉山人故禮部侍郎賞之子慶元中終吏  
部郎中

中興館閣書目

中興館閣書目者孝宗淳熙中所修也高宗始渡  
江書籍散佚紹興初有言賀方回子孫鬻其故書于道  
者上命有司悉市之時洪玉父為少建言蕪湖縣

僧有蔡京所寄書籍因取之以實三館劉季高為客祿  
又請以重賞訪求之五年九月大理評事諸葛行仁獻  
書萬卷于朝詔官一子十三年初建祕閣又命即紹興  
府借故直祕閣陸寘家書繕藏之寘農師子也十五年  
遂以秦伯陽提舉祕書省掌求遺書圖畫及先賢墨蹟  
時朝廷既右文四方多來獻者至是數十年祕府所  
藏益充物乃命館職為書目其例皆倣崇文總目焉書  
綱目凡七十卷祕書陳駿領其事五年六月上之

監本書籍

監本書籍者紹興末年所刊也國家多艱以來固未暇

吳校點五印字範云印字  
有印郎字

及九年九月張彥寶待制為尚書即始請下諸道州學  
取舊監本書籍鏤板頒行從之然所取諸書多殘缺故  
曹監刊六經無禮記正史無漢唐二十一年五月輔臣  
復以為言上謂秦益公曰監中其他缺書亦令次第  
鏤板雖重有所費蓋不惜也由是經籍復全先是王瞻  
叔為學官嘗請摹印諸經疏及經典釋文許郡縣以贍  
學或省係錢各市一本置之於學上許之今士大夫  
任于朝者率費紙墨錢千餘緡而得書于監云

建炎以來朝野雜記甲集卷第四

福至九月十日校點



此名印尤不通上有先大父號不能云不知矣  
丁酉重九于都言以為必須挖去漢人中之實



